

說文解字注箋

說文解字第七下

金壇段玉裁注

番禺徐灝箋

𣎵分臬莖皮也从𣎵八象臬皮原作象臬之皮凡出

之屬皆从𣎵讀若𣎵匹刃切

注曰謂分擘臬莖之皮也𣎵象臬莖兩旁者其皮  
分離之象也此與讀若輩之𣎵別。箋曰治麻必  
剝其皮漚之以爲用故从𣎵建類而八象分臬之  
皮也

𣎵麻也从𣎵台聲𣎵傳作𣎵省聲𣎵里切𣎵𣎵文臬从𣎵从

𣎵

注曰喪服傳曰苴者麻之有蕢者也牡麻者臬麻也玉篇曰有子曰苴無子曰臬艸部苈臬實也苈者蕢之本字臬既牡麻何以言臬實也臬亦為母麻牡麻之大名猶麻之為大名也苴者母麻一曰苴即臬也是苴可呼臬之證也○箋曰台聲繫傳作薛省聲戴氏侗引蜀本同按台薛聲近故臬从台聲薛从薛聲臬不必从薛省史記周本紀怡說婦人徐廣曰怡一作辭

## 文二 重一

艸

艸之總名也

艸原誤作

艸之為言微也微纖為功

象形凡艸之屬皆从艸

切

注曰葩本謂麻實因以爲苴麻之名此句疑尙有奪字當云治葩泉之總名趙岐劉熙注孟子妻辟繻皆云緝績其麻曰辟按辟音劈今俗語緝麻析其絲曰劈卽麻也春秋說題辭曰麻之爲言微也麻麻古葢同字象形二字當作从二木○箋曰段說是也緝麻以二縷相績故从二朮其爲治葩泉之名明矣麻與麻聲轉之異也因各有所屬字而分爲二部如萋萋曰月之比也

𦃟

泉屬从𦃟炎省聲

聲字據繫傳補

詩曰衣錦繻衣

去類切

注曰周禮掌葛鄭注艸貢出澤黃紵之屬可緝績者黃卽繻也又作類雜記如三年之喪則旣類其

練祔皆行注云穎州名無葛之鄉去麻則用穎詩  
兩言裝衣許於此僞藉衣於衣部僞裝衣云裝麻  
也然則裝衣者以藉所績屬之蓋士昏禮所謂景  
也詩衛碩人鄭丰文○箋曰織藉爲禪衣加於正  
服之上鄭注士昏禮所云爲行道禦塵令衣鮮明  
也後乃別製裝字通作景

**𦰩**分離也从支从𦰩𦰩分𦰩之意也

蘇盱切

注曰散潛字以爲聲散行而𦰩廢矣○箋曰散訓  
雜肉義別二字古通

### 文三

**麻**泉也

二字據繁傳補

與𦰩同人所治在屋下从广从𦰩凡

麻之屬皆从麻

莫遐切

注曰麻與枲互訓皆兼苴麻牡麻言之○箋曰爾雅釋艸枲麻孫炎曰麻一名枲按枲已漚者謂之麻故从广人在屋下所治也繫傳曰凡禾麥黍麻未瓜皆所貴者故皆造字

復麻未練治縑也从麻後聲

空谷切

注曰縑布縷也練者漚也漚者澗也次諸水漂漚之也已漚曰縑未漚曰縑後之入聲如斛如大雅垢與谷韵是也○箋曰絲未練治之緒曰絡麻未練治之縑曰縑或从糸或从麻者猶緡之與觴也緒與縑絡與縑皆聲相近

麻麻麻麻也从麻取聲側鳩切

注曰東方朔七諫篇菰蔴雜於廩蒸王注泉嗣曰  
廩煇竹曰蒸按蔴卽稽之俗廩卽艸部之蔴○箋  
曰蔴莖謂之蔴亦作蔴折而燒之謂之蒸因謂蔴  
幹爲蔴蒸蒸又爲然竹之稱故王叔師云煇竹曰  
蒸也

麻麻麻麻也从麻取聲度侯切

注曰廣韵引字書云麻麻一絜也○箋曰絜傳曰  
字書一曰麻索玉篇麻麻屬一曰麻一絜也

### 文四

未未豆也象未豆生之形也凡未之屬皆从未式竹切

注曰戰國策韓地五穀所生非麥而豆民之所食  
大抵豆飯藿羹史記豆作菽豆之生也所種之豆  
必爲兩瓣而戴於莖之頂故以一象地下象其根  
上象其戴生之形○箋曰古蓋作𣎵象形鐘鼎文  
作𣎵繁傳云豆性引蔓鐘鼎文蓋象其蔓也𣎵又  
作叔从又者采擷之意因爲伯叔字所專故別作  
菽古食肉器謂之豆無以𣎵爲豆者自戰國以後  
乃有此僞

𣎵配鹽幽𣎵也从𣎵支聲

是義切

𣎵

俗𣎵从豆

注曰幽與鬱同義廣雅說飲食曰寢醴鬱辟幽也  
齊民要術說作政必室中溫煖所謂幽𣎵也云食



經作政法用鹽五升所謂配鹽也

## 文二 重一

帛物初生之題也上象生形下象其根也凡帛之屬

皆从帛

多官切

注曰古發端字作此周禮磬氏已下則摩其帛帛之本義也今多用帛爲專仁象初生下象其根○箋曰帛之言顛也頁部題額也額亦顛也自其顛言之則爲末自其初生而言則爲本故帛訓爲末亦訓爲本廣雅帛末也鄭注禮器端本也引申爲凡始之稱

## 文一

韭菜名一種而久者故謂之韭象形在一之上一地

也此與蒂同意凡韭之屬皆从韭舉友切

注曰韭久疊韵○箋曰齊民要術引聲類曰韭者

久長也一種永生繫傳曰韭刈之復生異於常艸

故皆自爲字也灝按韭菜取長與莖相疊韭象其

形

𦵏𦵏𦵏也从韭隊聲徒對切

箋曰太平御覽飲食部引通俗文淹韭曰𦵏淹薤

曰𦵏廣雅曰𦵏𦵏𦵏也按𦵏當从𦵏作束者傳寫

之譌𦵏當作𦵏𦵏與𦵏同

𦵏𦵏𦵏也从𦵏次𦵏皆聲祖雞切𦵏𦵏𦵏或从齊

注曰周禮醢人王舉則共醢六十蕕以五齊七醢  
七菹三醢實之鄭注齊當爲齋凡醢醬所和細切  
爲齋全物若牒爲菹王氏念孫曰菹者細碎之名  
莊子言糝粉是也次巾皆聲與糝字同例○箋曰  
玉篇云齋菹蒜爲之

**齋菜也菜似韭从韭𩇑聲**胡戒切

注曰內則多言齋釋艸齋鴻舊俗作薤○箋曰本  
艸圖經曰薤似韭而葉闊多白無實人家種者有  
赤白二種山齋根長葉差大僅若鹿蔥

**齋山韭也从韭𩇑聲**息廉切

注曰山韭謂山中自生者釋艸作藿山韭藿見艸

部不云山韭然則許所據爾雅作鐵山韭與○箋  
曰艸部藿下引詩食鬱及藿則以藿爲嬰莢之異  
文

**韭** 小蒜也从韭番聲

附哀切

注曰南都賦曰其園圃則有諸蔗薑韭李善引字  
書韭小蒜也玉篇廣韻皆云百合蒜也卽齊民要  
術所云百子蒜○箋曰繫傳曰韭中國蒜也今之  
大蒜胡蒜也

### 文六 重一

**瓜** 𠂔也

𠂔原本作𠂔今從繫傳

象形凡瓜之屬皆从瓜

古華切

注曰艸部曰在木曰果在地曰𠂔瓜者藤生於地

者也徐鍇曰外象其蔓中象其實○箋曰瓜者果  
羸之合聲古音讀若孤今浙人語近之

𦏧 小瓜也从瓜交聲

蒲角切

注曰謂有一種小瓜名𦏧一名𦏧爾雅毛詩傳皆  
作𦏧○箋曰繫傳曰今有馬𦏧如小瓜也

𦏧 𦏧也从瓜失聲詩曰緜緜瓜𦏧

徒結切

𦏧 𦏧也从

弗

注曰釋艸曰𦏧𦏧其紹𦏧按𦏧𦏧者一種艸結小  
瓜名𦏧卽𦏧瓜也云其紹𦏧者𦏧瓜之近本繼先  
歲之實謂之𦏧也大雅緜緜瓜𦏧與其先小後大  
陸氏佃曰瓜之繼本爲紹今驗近本之瓜常小末

則復大是也。𦏧从弗當作弟篆體誤也。尚書平秩亦作平𦏧釋艸稊亦曰英是其例。弟與失雙聲。○箋曰瓜𦏧繼先歲之瓜詩人以興周室相繼不絕之意。故曰緜緜瓜𦏧毛傳緜緜不絕也。陸云末則復大尤有合於詩人之旨。

𦏧

小瓜也从瓜𦏧省聲

戶局切

注曰亦一種小瓜之名齊民要術引作小瓜𦏧也

𦏧

瓜也从瓜緜省聲

余昭切

注曰有瓜名緜也。○箋曰緜者瓜實累累然盛貌以緜聲知之。艸部緜艸盛兒木部緜長木也其義皆相近。

辨瓜中實从瓜辨聲

蒲覓切

箋曰爾雅瓠棲辨孫炎云棲瓠中辨也釋文引字  
林云瓜中實也太平御覽菜部引吳普本艸曰瓜  
子一名辨七月七日採可作面脂衛風碩人篇齒  
如瓠犀毛傳瓠犀瓠辨也棲犀古字通

本不勝末微弱也从二瓜讀若庾

以主切

注曰本者蔓也末者瓜也蔓一而瓜多則本微弱  
矣故污穢之氣情願之氣皆从此○箋曰果瓠本  
作瓠取瓜多意也因用爲微弱義又增艸作瓠

### 文七 重一

瓠也从瓜夸聲凡瓠之屬皆从瓠

胡誤切





瓢也瓢卽匏之轉聲以爲旨水之器爲器名所導  
遂生分別耳玉篇又有甕字云甕也或作瓢甕卽  
篆之變體瓢者隸之變體似異而實同也甕讀爲  
果甕之甕果甕猶瓠瓠也

## 文二

𡩂

交覆屋也象形凡山之屬皆从𡩂

武延切

注曰古者屋四注東西與南北皆交覆也象兩下  
之形亦象四注之形○箋曰古鍾鼎文多作介象  
形小篆从古文變交覆謂左右垂對广之一偏而  
言也

冢

居也从山

豕省聲

古牙切

冢

古文冢

注曰此字爲一大疑按豕省聲讀家學者但見从豕而已从豕之字多矣安見其爲豕省邪何以不云段聲而紆迴至此邪竊謂此篆本義乃豕之居引申以爲人之居如牢牛之居引申爲拘罪之陞牢也○箋曰古者造字何至以豕所居爲人之居乎段說非也灝謂家从豕者人家皆有畜豕也曲禮曰問庶人之富數畜以對古文蓋作篆上誤爲

豕

𡈼

所託也从山毛聲

場伯切

𡈼

古文宅

𡈼

亦古文

宅

注曰託者寄也引申之凡物所安皆曰宅宅託壘

韵○箋曰垞之聲轉爲敕加切與侘𡇗等字同

**室**

**實也从山至聲**

原作从至今從繫傳

**至**

逗

**所止也**

式質切

注曰室實疊韵爲訓古者前堂後室引申之則凡

所居皆曰室古至讀如質大徐無聲字非也

**宣**

**天子宣室也从山亘聲**

須緣切

注曰蓋謂大室如璧大謂之瑄也賈誼傳孝文受

釐坐宣室蘇林曰宣室未央前正室也按引申爲

布也明也徧也通也緩也散也○箋曰凡从亘之

字皆有圓義如桓爲表柱璧謂之瑄皆是宣室蓋

亦圓形考工記半矩謂之宣亦謂斧形圓曲處也

說詳通介堂經說

向

原本作向今從段訂

北出牖也从山从口

原本从口今依段正詩曰塞

向墜戶

許諒切

注曰剛風塞向墜戶毛傳向北出牖也按毛公以在冬日可塞故定為北出者口舊作口誤今正向下曰从口中有戶牖是皆从口象形也○箋曰古者前堂後室室之前為牖後為向故曰北出牖古鐘鼎文作向象形向嚮古今字又與鄉通引申為向背之稱

𡩇

養也室之東北隅食所居从山叵聲

與之切

注曰宜養以雙聲為訓易頤卦亦訓為養釋宮曰東北隅謂之宜邵氏晉涵云君子之居恆當戶戶

在東南則東北隅爲當戶飲食之處在焉此許意也舍人云東北陽氣始起育養萬物故曰宦宦養也

戶樞聲也室之東南隅从山自聲

烏皎切

注曰二句一義古者戶東牖西故以戶樞聲名東南隅也釋宮曰東南隅謂之交釋名云交幽也非許意○箋曰東南隅何得以戶樞聲名之蓋官之本義爲戶樞聲室之東南隅名宦者假借字耳當從爾雅作交爲正交之言交也出入共由之處故謂之交卽禮器室事交平戶之義也自部曰自讀若香顏氏家訓引通俗文方力反此用自爲聲又

烏皎切未知所從又穴部有窻窻字



宛也室之西南隅从艸类聲

烏到切

注曰宛奧雙聲宛者委曲也室之西南隅宛然漢藏室之尊處也按艸部弄讀若書卷則奧宐讀若怨而古音不爾者取雙聲爲聲也



屈艸自覆也从艸宛聲

於阮切

宛或从心

注曰引申爲宛曲宛轉如爾雅宛中宛正周禮琬圭皆宛曲之義凡狀兒可見者皆曰宛然如魏風傳曰宛辟兒唐風傳曰宛然兒考工記注窻小孔兒皆是宛與蘊蘊與鬱聲義皆通故方言曰宛替也禮記曰兔爲宛脾春秋繁露曰鶴無宛氣皆是

○箋曰死者屈曲之義宛从宀蓋謂宮室窈然漢曲引申爲凡圓曲之稱又爲屈折之稱屈艸自覆未詳其指

𡩂

屋字也从山辰聲

植鄰切

注曰屋者以宮室上覆言之宸謂屋邊甘泉賦日月纔經於栱楹服虔曰栱中央也楹屋梠也魏都賦旅楹閑列暉鑒栱楹張載曰栱中央也楹屋宇櫨也是知栱楹卽上棟下宇之謂栱卽典字楹卽宸字韋昭注國語云宸屋雷也字邊也若玉篇引賈逵云宸室之奧者當亦是國語注而其說異矣○箋曰許云屋字者渾言之也賦云栱楹亦兼舉

中邊之辭賈逵訓爲室之奧者則但舉其中而言  
故西京賦直云消氛埃於中宸非有異義也蓋屋  
宇覆下通謂之宸指其中棟而言則曰宸極故後  
世以爲帝居之稱唯韋注越語云以屋宇之餘庇  
覆吳則未得語意夫差曰君若不忘周室而爲蔽  
邑宸宇亦寡人之願也蓋渾言其庇覆也豈屋邊  
之謂乎

屋邊也从宀于聲易曰上棟下宇王桀切  
籀文

宇从禹

注曰幽風八月在宇陸德明引韓詩宇屋霑也高  
誘注淮南曰宇屋檐也引申之凡邊謂之宇如輪



人爲蓋上欲尊而字欲卑左傳云在君之字下是也易繫辭傳文虞翻曰字謂屋邊也○箋曰淮南覽冥訓鳳皇之翔至德也而燕雀倣之以爲不能與之爭於宇宙之間此宇宙但指屋言齊俗訓往古來今謂之宙四方上下謂之宇則擴充言之也

**豐**

大屋也从山豐聲易曰豐其屋

敷戎切

注曰易豐上六爻辭係此說豐从山豐會意之指

與係百穀艸木麗於地說麗从艸麗同意○箋曰

豐與麗皆俗字因易義而妄加偏旁不可爲典要

**周垣也从山與聲**

胡官切

官

或从自

又爰省切繫傳有完

字

注曰寘之言完也廣雅釋室云院垣也左傳繕完  
葺牆以待賓客李涪云完當爲宇按繕完葺三字  
成文猶下云觀臺榭亦三字成文也安得以今人  
儼辭之法繩之必欲謂爲誤字則完當是院字蓋  
惟子產盪壞館垣故措辭就垣言也又此篆當从  
山阮聲與自部从自完聲之字別篆體及說解轉  
寫誤耳○箋曰段說皆非是左傳以繕完二字連  
文葺牆當如孔疏謂艸覆之牆猶周禮匠人之言  
葺屋瓦屋也院篆誤重

𡩺

屋𡩺響也

段利

从山

𡩺聲

戶萌切

𡩺

屋響也

从山

𡩺聲

戶萌切

注曰各本衍響字今依韵會集韵類篇正或曰玄  
弘本一聲蓋宏訓屋濇響玄其重文此說近是但  
江賦以泓泓成文不妨宏玄各字長門賦曰擗玉  
戶以撼金鋪兮聲嘈呶而似鐘音○箋曰弓部弓  
訓弓聲故以玄爲屋響而宏但从玄爲屋濇然古  
多通用不別也

𡩺

屋兒从山爲聲

韋委切

注曰王逸注招隱士曰崎嶇間窻○箋曰間爲蓋  
疊韵字唐韵韋委切聲之轉也門部闔闔門也音  
同義近此云屋兒亦謂屋字開張之兒耳

𡩺

屋康寅也从山康聲

苦閑切

𡩂康寔也

寔字從段補

从山良聲音良

又力康切

注曰方言康空也郭注漻寔空兒音良當作讀若

良

𡩂屋所容受也从山成聲

氏征切

注曰寔之言盛也廣韵無所字

𡩂安也从山心在皿上人之飲食器所以安人

奴丁切

注曰此安寔正字○箋曰寔安也爾雅釋詁文今

多通用𠂔部願詞之寔繫傳曰風雨有時飲食無

虞人所以安也按楚金意謂風雨故从山飲食故

从皿也

𡩂安也从山正聲

原作从正今依繫傳徒徑切

箋曰邶風胡能有定毛傳定止也按此大學所謂知止而後有定也古通作奠一聲之轉

定止也

止段訂作正

从女是聲

常隻切

注曰召南毛傳韓奕鄭箋竝曰寔是也按許云正者是也然則正與是互訓寔是音義同古多有以實爲寔者韓詩實命不猶卽寔命不猶也大雅韓奕實塘實壑卽寔塘寔壑也實寔音義皆殊由趙魏之間實寔同聲故相假借耳若杜預注春秋寔來曰寔實也則非是也

寔靜也

靜注本繫傳作止

从女在山下

下繫傳作中烏寒切

注曰靜當作靜今正立部靜亭安也青部靜審也

非其義方言曰安靜也假靜爲靜耳安亦用爲語  
詞○箋曰許書說解多用世俗通行之字使人易  
曉不可泥也女有家男有室相安之道也故安从  
女在宀下女歸於夫家也安又爲發語辭荀子勸  
學篇安特將學雜識志順詩書而已楊倞注安語  
助猶言抑也又訓爲何文選西京賦言於安處先  
生薛注安處猶烏處若言何處是也又通作焉左  
氏宣十二年傳暴而不戢安能保大猶有晉在焉  
得定功是也

安也从宀必聲

美畢切

注曰此字經典作密大雅止旅乃密傳曰密安也

正義曰釋詁曰密康靜也康安也轉以相訓是密得為安按上林賦宓汨去疾也義似異而實同孔

𡩺靜也从山契聲於計切

注曰玉篇引倉頡篇云安也

𡩺安也从山晏聲於句切

注曰引申為宴饗經典多假燕為之晏見女部安也○箋曰戴氏侗曰宴者燕居閒適也古者饗為盛禮主敬既饗而宴或宴而不饗所以妥賓娛樂之故曰宴亦通作𡩺

𡩺無人聲从山木聲前厯切𡩺宋或从言

注曰今字作寂口部作嗽方言作家云靜也江湘

九疑之郊謂之冢○箋曰廣雅曰宋靜也

**察** **覆審也**

原本脫審字  
依繫傳補

**从山祭聲**

初八切

注曰西部云而覆也覈實也考事而竿邀遮其辭  
得實曰覈然則察與覈同意釋詁曰明明斤斤察  
也

**親至也从山親聲**

初僅切

注曰至者親密無間之意見部曰親至也然則親  
與親音義皆同故秦碑以親輒爲親巡廣韵眞韵  
曰親古文親也震韵曰親屋空兒此今義非古義  
○箋曰廣韵云屋空兒未詳其義然其字从山自



當取義於宮室竊謂山者覆庇之義相親之意也

𡩺全也从山元聲古文以為寬字

胡官切

注曰入部全作仝仝完也是二字互訓

富備也

原本有一曰厚也

从山畐聲

方副切

注曰富與福音義皆同釋名曰福富也○箋曰富

古音讀如備故瞻卬與刺忌韻閤宮與熾背試韻

富福竝从畐聲故音義同備畐一聲之轉也一日

厚也四字淺人不知古義而妄增之

𡩺富也从山从貫貫貨貝也

神質切

注曰引申為艸木之實○箋曰戴氏侗曰貫盈於

山實之義也

𡩺藏也从山采聲采古文保周書曰陳案赤刀

博

注曰書顧命文蓋壁中古文如此今作寶

𡩺盛也从山谷聲

余封切

𡩺古文容从公

注曰今假借爲頌兒之頌谷古音讀如欲以雙聲諧聲○箋曰容之引申爲寬容爲雍容假借爲容儀容止凡禮容皆有法度故又訓爲法呂覽士容篇此國士之容也高注容猶法也容止又訓爲動靜因之容訓爲動少儀數噍毋爲口容鄭注口容弄口是也

𡩺也从山人在屋下無田事周書曰宮中之穴食

而隴切

注曰周書當作周禮轉寫之誤橐人掌共外內朝  
宄食者之食許偁之涉校人宮中之稍食而誤記  
憶之過也○箋曰漢書食貨志凡田不耕爲不殖  
出三夫之稅城郭中宅不樹藝者爲不毛出三夫  
之布民浮游無事出夫布一匹其不能出布者宄  
作縣官衣食之師古曰宄散也此宄之本義故許  
以人在屋下無田事說之引申爲凡宄散之偁鄭  
注橐人云宄食者謂畱治文書若今尙書之屬諸  
上直者疏曰引漢法說之上直諸吏謂之宄吏亦  
曰散吏按續漢百官志有中黃門宄從僕射一人  
**𠩺**𠩺𠩺不見也一曰𠩺不省人

原本曰下重𠩺字不  
下行見字今從繫傳

从宀鼻聲

武延切  
隸作窵

注曰窵與鼻音義皆同毛詩綿綿韓詩作民民按  
綿綿民民皆謂密也卽窵窵不見之意莊子窅然  
喪其天下焉郭象音武駢反是郭本作窵然也一  
曰不省人大徐衍見字玉篇亦作一曰不省人○  
箋曰鼻字說見自部

寶

珍也从宀从王从貝缶聲

博皓切

古文寶省貝

注曰玉與貝在屋下會意史記多佾祿爲寶廣韵  
古文作瑤○箋曰缶古重唇音與寶近故用爲聲

羣

居也从宀君聲

渠云切

注曰論語曰羣居終日

宦仕也从宀从臣

胡慣切

注曰人部仕學也左傳曰宦三年矣服虔云宦學也曲禮宦學事師鄭注宦仕也能氏云宦謂學官事按仕者習所事也古事士仕通用

宰學人在屋下執事者从宀从辛宰學也

作亥切

注曰學人在屋下執事此宰之本義也引申爲宰制辛卽臯之省○箋曰戴氏何曰宰家宰也宰制家事者也引之則天下之宰曰冢宰一邑之宰曰邑宰主宰宰制之義皆由此出主膳羞者曰膳宰故因之爲庖宰辛實聲也梓亦以辛爲聲灝按宰字古以爲冢宰之偁豈用臯人執事義乎戴說是

也宰古音在之部讀若子从宰之字如泮葦皆阻  
史切梓卽里切與梓同又屏从辛聲先稽切皆相  
近也

守官也从山从寸寺府之事者从寸寸法度也書切

注曰左傳曰守道不如守官孟子曰有官守者不  
得其職則去○箋曰守當从又聲阮氏鐘鼎款識  
亞守鼎正作𠄎从又之字多互从寸取字體絲密  
耳餘詳又部寸部

寵尊居也从山龍聲丑龍切

注曰引申爲榮寵○箋曰楚語寵神其祖韋注寵

尊也按此尊居之義也

𡩺寬也从宀有聲

干救切

注曰周頌夙夜基命宥密叔向毛公皆曰宥寬也  
宥爲寬故貫罪曰宥○箋曰宥本謂居室之寬引  
申爲凡寬宥之稱

𡩺所安也从宀之下一之上多省聲

魚羈切

𡩺古文

空𡩺亦古文空

注曰周南空其室家漢石經作宜古音在歌部故  
从多省聲○箋曰一地也旣得其地上蔭淡屋爲  
空也

𡩺置物也从宀鳥聲

悉也切

注曰寫謂去此注彼也曲禮曰器之溉者不寫其餘皆寫鄭注寫者傳己器中乃食之也小雅我心寫兮傳云輸寫其心也凡傾吐曰寫故作字作畫皆曰寫寫之則安故从宀俗作瀉○箋曰段說未得其義古謂置物於屋下曰寫故从宀蓋從他處傳置於此室也鄭注周禮掌舍云舍行所解止之處方言云發稅舍車也東齊海岱之間謂之發宋趙陳魏之間謂之稅郭注舍空音寫今通言發寫也稅猶脫也後漢皇甫規傳勦資巨億有旋車完封寫之權門是其義因之傳寫於他器亦謂之寫曲禮器之溉者不寫其餘皆寫是也作圖畫者依



仿彼形以傳寫於此故亦謂之寫史記秦始皇本紀秦每破諸侯寫放其宮室作之咸陽北阪上是也因之傳書亦曰寫寫者舍置之義故又訓除邨風泉水以寫我憂毛傳寫除也俗瀉相承增水旁古亦祇作寫穀阮碑承寫其流猶承瀉也

宵

夜也从宀

句

宀下冥也

尙聲

相邀切

注曰周禮司寤禁宵行夜游者鄭云宵定昏也按此因經文以宵別於夜爲言若渾言則宵卽夜也有假宵爲小者學記之宵雅是也有假宵爲尙者漢志人宵天地之貌是也宀下冥謂日在下而窈冥地覆日如屋也○箋曰宵但从宀不从日無日

在下之義謂夜居室中窈冥耳

宿止也从宀𠂔聲𠂔古文夙

息逐切

注曰凡止曰宿夜止其一𦰇也左傳凡師一宿曰舍再宿曰信過信曰次止之義引申之則爲素如史記云宿將宿學是也先期亦曰宿祭統宮宰宿夫人禮經宿尸皆謂先期戒飭按去聲息救切此南北音不同非有異義星宿宿畱非不可讀入聲○箋曰夜宿乃此字本義楚辭七諫初放篇塊鞠兮當道宿王注夜止曰宿是也因之日月五星所舍謂之二十八宿亦曰舍凡經宿則久故又引申爲舊如云宿艸及宿將宿學之類皆是段謂止之

「記」之角「注金只」

切七桂

風 韞文襪省

人掌王之六寢之脩又引申之凡事止亦曰寢今

皆作寢見寢部

日原  
作本  
周書

音喫眩作晒眩今  
依繫傳正莫甸切

注曰藥不瞑眩許引孟子滕文篇文謂讀若此瞑

也鄭注醫師亦引孟子趙云書逸篇也若今偽撰

說命則采楚語爲之許鄭所未見者大徐本繆甚

切苦官

注曰廣韵曰裕也緩也其引申之義也古文假完

字爲之

𠂔寤也从山吾聲

五故切

注曰寤覺而有言曰寤害之音義皆同○箋曰害

與寤寢與寢皆本一字

𠂔居之速也从山走聲

子感切

注曰止部走疾也走爲凡速之詞从山則爲居之

速也鄭風不逮故也毛傳走速也○箋曰居之速

未得其義此以雙聲爲聲類篇又疾葉切

𠂔少也从山从頌頌分賦也

繫傳無賦字

故爲少

古瓦切

注曰引申之凡倮然單獨皆曰寡先鄭注周禮曰

頒讀屬班布之班謂分賜也韵會作𠂇分故爲少  
是也今正𠂇分者合於上而分於下也故始多而  
終少○箋曰此字唯訓少可知餘則不能詳也段  
說支離不足辨

周寄也从𠂇各聲

苦格切

注曰字从各各異詞也故自此託彼曰客周禮大  
行人大賓大客別其辭諸侯謂之大賓其孤卿謂  
之大客賓所敬也客寄也論語寢不尸居不客謂  
生不可似外主不可似客也今本誤作不容○箋  
曰傳舍所居非一人也故从各聲兼會意論語容  
字不誤段說非也說見通介堂經說

寄託也从宀奇聲

居義切

注曰字从奇奇異也一曰不耦也方言錮託庇寓  
勝寄也○箋曰寄者羈孤之意故用奇爲聲奇者  
單獨也

寓寄也从宀禺聲

牛具切

寓或从广

箋曰寓訓爲寄故寓木謂之寄生爾雅釋獸寓屬  
禺之假借也禺聲古音在侯部故寓通作偶史記  
木禺龍卽木偶龍漢書作寓

無禮居也从宀婁聲

其桀切

注曰邶風終婁且貧毛傳婁無禮也貧者困於財  
釋言云婁貧也倉頡篇云無財曰貧無財備禮曰

要則貧窶有別許从毛益以居字以其字从宀也  
無禮居謂宮室不中禮○箋曰不中禮則僭侈者  
有之矣何獨貧窶乎段說失之繫傳曰階阼升降  
所以行禮故貧無禮先見於屋室故原憲甕牖桑  
樞陳平席門負郭也

肉

貧病也从宀久聲詩曰煢煢在次

居又切

注曰貧病者貧之病也从宀室如懸磬之意詩周  
頌文今詩作煢煢在疚毛傳疚病也左傳亦曰煢  
煢余在疚○箋曰錢氏站曰詩維今之疚不如茲  
陸德明云本作疚

𡩂凍也从人在宀下以𡩂薦覆之

繫傳作从𡩂上下爲覆

下有

欠胡安切

注曰凍當作冷十一篇曰凍欠也冷寒也此可證矣

患傷也从𠂔从口𠂔言从家起也丰聲胡蓋切

注曰詩書多假害爲曷故周南毛傳曰害何也俗本改爲曷何也非是今人分別害去曷入古無去入之分也从𠂔从口會意丰聲言爲亂階而言每起於衽席○箋曰繫傳曰周廟金人銘曰口是何傷禍之門也言行君子之樞機家人嗃嗃未失也婦子嘻嘻失家節也故害从𠂔灝按楚金說自通然未免迂回疑害自爲一字而害用爲聲从𠂔者害



于而家之意競疑亦從二吉說見兄部

**索**

入家按也从山

索聲

所責切

注曰按求也顏氏家訓曰通俗文云入室求曰按

按當作入室求曰索經典多假索為之

**鞫**

窮也从山

欽聲

欽與鞫同

繫傳無欽與鞫同四字居六切

**鞫**

或从穴

注曰鞫窮雙聲谷風南山小弁毛傳皆曰鞫窮也

牽部曰鞫窮治罪人也其字俗作鞫今詩傳鞫字

皆欽之假借也唐石經鞫鞫錯出至近日而盡改

為鞫矣○箋曰說詳牽部

**窀**

姦也

外為盜

內為宄

从山

九聲

讀若軌繫傳無讀若軌三字

居消切 古文先 𠂔 亦古文先

注曰成十七年左傳曰亂在外爲姦在內曰先按在內故从𠂔經史亦假軌爲之

𠂔 塞也从𠂔 𠂔聲讀若虔書曰𠂔三苗之𠂔麤取切

注曰書𠂔三苗之𠂔今作𠂔妄人所改說文讀若例不用本字倘尙書作𠂔又不當言讀若也改此者直疑𠂔七亂反與𠂔音殊不知易訟象傳宋玉高唐賦班固西都賦魏大饗碑張協七命潘岳西征賦呂枕字林𠂔皆七外反○箋曰繫傳曰今尙書作𠂔三苗據楚金說似許書本作𠂔三苗讀若二字及之𠂔二字竝衍按誠𠂔字當作此今假借

款字爲之款者虛中之義故从宀也傳寫或作款  
因款而變从欠其音則由七外轉爲七亂又變爲  
苦管切耳

向過也一曰洞屋从宀礪省聲汝南項有宕鄉

徒浪切

注曰宕之言放蕩也穀梁傳引傳曰長狄兄弟三人佚宕中國洞屋謂通迥之屋四圍無障蔽也凡道家言洞天者謂無所不通汝南郡項縣春秋之項國也今河南陳州府項城縣是其地○箋曰宕蓋石室空洞之義故从宀从石佚宕者蕩之假借耳許云礪省聲疑非

宋居也从宀从木讀若送

从木紫傳作木聲無讀若送三字蘇統切

注曰此義未見經傳名子者不以國而魯定公名  
宋則必取其本義也

𡩺

屋傾下也从宀執聲

都念切

注曰謂屋欹傾下陷也與塾音義同

宗

尊祖廟也从宀从示

作冬切

注曰宗尊雙聲按當云尊也祖廟也今本奪上也  
字大雅公尸來燕來宗傳曰宗尊也凡尊者謂之  
宗禮記別子爲祖繼別爲宗繼禰者爲小宗凡言  
大宗小宗皆謂同所出之兄弟所尊也尊莫尊於  
祖廟故謂之宗廟宗从宀从示示謂神也山謂屋  
也

座

宗廟室

祐

繫傳作石

从

山

主聲

切

之庾

注曰經典作主小篆作室主者古文也祐猶主也

左傳使祝史徙主祐於周廟是也鄭說卿大夫無

室許說大夫以石爲室詳示部祐下

舟

輿所極

逗

覆也

从

山

由聲

直又切

注曰覆者反也與復同舟輿所極覆者謂舟車自

此至彼而復還此如循環然故其字从由訓詁家

皆言上下四方曰宇往古來今曰宙許言其本義

他書言其引申之義淮南覽冥訓燕雀以爲鳳皇

不能與爭於宇宙之間高注宇屋簷也宙棟梁也

然則宙之本義謂棟一演之爲舟輿所極再演之

爲往古來今則从宀爲天地矣。箋曰此當以舟與所極逗句極至也許意謂舟車所至無不覆幬也史記司馬相如傳正義引許慎曰宙舟與所極也則極字爲句明矣後漢書馮衍傳注引倉頡篇舟車所屆曰宙亦其證屆猶至也舟車所至釋从由之意覆釋从宀之意然許所說乃其引申義耳宇宙字从宀其本義自謂宮室淮南說是其明證引申之乃謂上下四方曰宇往古來今曰宙許君卽從此義衍之爲說段氏已見及之又以从宀爲天地失之迂矣

文七十一 重十六

眞置也

从山眞聲

支義切

鈕曰寘疑寘之省文

眞王者封畿內縣也从山眞聲

戶關切

鈕曰穀梁隱元年傳寘內諸侯范甯注云寘卽古

縣字按玉篇寘但訓王者封畿內不云古縣字○

箋曰穀梁釋文云寘音縣古縣字非范注也鈕偶

誤玉篇胡絹胡關二切

寘同地爲寘从山采聲

倉宰切

鈕曰釋詁寘寮官也顏師古注漢書刑法志引寘

作采知古本爾雅不作寘矣堯典疇咨若予采釋

文引馬云采官也

文三 新附

宮室也从宀躬省聲凡宮之屬皆从宮

居戎切

注曰釋宮曰宮謂之室室謂之宮按宮言其外之圍繞室言其內析言則殊統言不別也自其圍繞言之則居中謂之宮五音宮商角徵羽劉歆云宮中也居中央唱四方是也。箋曰鐘鼎文宮字屢見皆从二口不从呂阮氏款識刊宮尊作𡩇疑象室有窗牖之形

營市居也

市原本誤作市今從繫傳正

从宮熒省聲

余傾切

注曰市居謂圍繞而居如市營曰闔軍壘曰營皆是引申之爲經營營治凡有所規度皆謂之營下



體从宮不省今隸省誤也熒省聲謂省去火也○  
箋曰熒宮二篆相接合可勿區分也營與環古音  
近相通

## 文二

𠂔𠂔𠂔骨也象形昔太嶽爲禹心呂之臣故封呂侯凡

呂之屬皆从呂

力舉切

𠂔

篆文从肉旅聲

原作从旅今從

繫傳

注曰呂象顙顙相承中象其系聯也周語曰胙四  
嶽國命爲侯伯賜姓曰姜氏曰有呂謂其能爲禹  
股肱心膂以養物豐民人也○箋曰呂之言旅也  
眾也謂自項已下脊骨纍纍然也𠂔象聯椎之形

素問氣府論篇大椎以下至尻尾及旁十五穴玉  
髓下凡二十一節皆椎法也古與旅通考工記函  
人為甲權其上旅與其下旅鄭眾注上旅謂要以  
上下旅謂要以下也旅聲古今字括地志故呂城  
在鄧州南陽縣西三十里呂尚先祖封

躬

身也从身从呂

居戎切

躬躬或从弓

注曰从呂者身以呂為柱也伯執躬圭人形曲鞠  
躬者斂曲之兒也弓身者曲之會意○箋曰繫傳  
曰躬从弓聲

## 文二 重二

內土室也从宀

八聲凡穴之屬皆从穴

胡決切

注曰引申之凡空竅皆爲穴。○箋曰古者巢居穴

處以穴爲室故後來製字穴卽从山

𡩇北方謂地空因以爲土穴爲窟戶从穴皿聲讀若

猛武永切

注曰因地之孔爲土屋也廣雅窟窟也

窰地室也从穴音聲切於禁

注曰今俗語以酒水等埋藏地下曰窖讀陰去聲

𡩇燒瓦竈也繫傳瓦下有窰字从穴羔聲切余招

注曰窰似竈故曰窰竈絲詩鄭箋云復穴皆如陶

然是謂經之陶卽窰字之假借也。○箋曰俗作窰

陶地室也从穴復聲詩曰陶復陶穴繫傳本無詩曰

六字芳福切

注曰詩大雅陶復陶穴鄭箋云復者復於土上鑿地曰穴皆如陶然庾蔚之云復謂地土累土爲之穴則穿地也漢時陵墓築封土謂之復土詩毛作復蓋三家有作覆者○箋曰楚金引詩陶復陶穴鼎臣據繫傳增之

**陶炊竈也从穴竈省聲**

則到

**陶竈或不省**

注曰史記孝武本紀索隱引說文周禮以竈祠祝融今補此七字賈逵注左傳云祝融祀於竈高注淮南時則訓云祝融吳回爲高辛氏火正歿爲火神託祀於竈此皆用古周禮說也許說與五經異義不殊周禮故書以竈爲造○箋曰竈之聲轉如

造故竈用為聲傳寫省去作土竈者竈之省體玉篇以竈為正字是也韵會亦以竈為竈之或體蓋繫傳原本如是

**窰** 空也从穴圭聲

原本空上有甌字今從繫傳刪烏瓜切

注曰楚辭曰圭璋雜於甌窰此甌下空也考工記

鳧氏為鐘注隧在鼓中窰而生光高注淮南曰曆

輔者頰上窰也然則凡空穴皆謂之窰矣廣韵圭

攜二音○箋曰繫傳本但云空也楚金因楚辭有

甌窰之語而釋之曰甌下孔鼎臣因加甌字耳窰

為凡窰下之稱甌空乃其一端字又作窰別作窰

**窰** 洩也一曰窰突

繫傳作求

**从穴从火从求省**

省聲下有

讀若禮三年導服  
之導九字式鉞切

注曰突深古今字隸變作窰深木部深下但云水  
名不言淺之反是知古深淺字作窰深行而窰廢  
矣毛詩窰入其阻傳曰窰深也毛公以今字釋古  
字而許襲之鄭箋易窰爲窰訓爲冒也蓋以字形  
相似易之釋文誤音窰面規反遂有妄人於說文  
窰下添詩曰窰入其阻六字鄭箋所改之字許時  
代在前安能用其說乎一曰窰突者廣雅窰窻謂  
之窰呂氏春秋云窰突決則火上焚棟蓋窰上突  
起以出煙火今人謂之煙囪卽廣雅之窰窻今人  
高之出屋上畏其焚棟也以其顛言謂之突以其

中𤔔曲通火言謂之突廣雅突下謂之突今本正奪突字耳漢書云曲突徙薪則有曲之令火不直上者矣趙宦光欲盡改故書之竈突爲竈突眞瞽說也導服卽禪服也突卽深淺字不當有異音蓋竈突可讀如禪與突爲雙聲也○箋曰段說大誤商頌𤔔入其阻卽說文罔部之𤔔相承省罔爲一作𤔔與俗書深字隔旁相似遂誤讀爲深不知毛傳訓𤔔爲深非以𤔔爲突字也若古本無作𤔔者鄭君豈得以意易之乎釋文云𤔔面規反毛深也鄭言也說文作𤔔从罔米云冒也分析甚明段氏反以爲誤且以罔部引詩爲妄人所增謂許在鄭

前不得用鄭所改之字其蔽甚矣至深淺字本當作深今書作深者從隸之變體段謂水部深但云水名不言淺之反尤爲迂繆然則大不言小之反多不言寡之反長不言短之反又將何如乎其說竈突之義則是也灝按玉篇但云窰式林切竈突也別無他義蓋竈突乃此字之本義而深用爲聲讀如禪而轉爲式林切也今本說文爲淺人誤讀毛詩而改之从求省無義繫傳作省聲亦非蓋从又持火在穴下會意玉篇正作又可證此字鈕說與余同而其言簡略恐學者未解故爲詳辨之

窰通也从牙在穴中

昌緣切



注曰召南曰誰謂鼠無牙何以穿我墉○箋曰戴

氏侗曰齧透也

**窳**穿也从穴寮聲論語有公伯寮

洛蕭切

注曰西京賦交綺綌以疏寮李善曰倉頡篇云寮小窗魏都賦繳日籠光於綺寮按大雅及爾同寮左傳同官爲寮蓋同官同居一域如俗云同學一

處爲同窗也亦假僚字爲之俗省作寮

**𡩂**穿也从穴夬聲

原作決省聲今從繫傳於決切

注曰大徐作決省聲此不知古音者爲之

**𡩂**決也从穴決聲

原作決今從繫傳於決切

注曰決之決故从穴○箋曰寔寔蓋本一字

𡩂空也从穴賣聲

原作漬省聲今從繫傳徒奏切

注曰空孔古今語凡孔皆謂之竇古亦借漬爲之如周禮注四竇卽四漬左傳襄三十年墓門之漬徐音豆是也

𡩂空兒从穴喬聲

呼決切

注曰孔之兒也

窠空也从穴果聲一曰鳥巢也在穴曰窠在樹曰巢

原作穴中曰窠樹上曰巢無一曰鳥巢也五字今從繫傳苦禾切

注曰雙聲爲訓其字亦作窾高誘曰窾空也或借科爲之孟子盈科而後進或借邁爲之如衛風碩人之邁毛云寬大兒鄭云飢意皆是一曰者義近

而別者也蜀都賦曰窠宿異禽

窗通孔也从穴窓聲

楚江切

注曰此篆淺人所增當刪古祇有囟字窗已爲或體何取平更从窓聲據廣韵四江窓下云說文作窗通孔也則篆體之不當有心明矣○箋曰說文諸篆亦有近俗字過而存之者必以爲後人所增實無確據廣韵云窓通孔也卽用許訓則必是此字其引說文作窗容有記憶之譌不可爲典要也

窗汚穢下也从穴瓜聲

烏瓜切

注曰史記歐婁滿篝汚邪滿車司馬彪曰汚邪下地田也按凡下皆得謂之窠水部洿者窠下也吳

都賦曰窾隆異等

窾空也从穴敼聲

韋料切

注曰空孔古今字老子常有欲以觀其窾

空窾也从穴工聲

苦紅切

注曰空卽今俗語所謂孔也古者司空主土司馬  
彪曰司空公一人掌水土事按禹作司空治水而  
後晉百揆蓋治水者必通其瀆故曰司空○箋曰  
戴氏侗曰古之居室始於營窟故工官之長掌邦  
土居四民曰司空鑿空爲空去聲物之空窾爲空  
上聲史記曰延其城下水空俗通作孔

窾空也从穴至聲詩曰瓶之窾矣

去徑切

注曰空虚孔穴本無二義但有孔穴則是空虚也  
詩小雅蓼莪文今詩作罄傳曰罄空也

𡩂

空也

空下原有大字  
今從繫傳刪

从穴乙聲

烏黠切

注曰今俗謂盜賊穴牆曰空是也此篆當是从乙  
鳥之乙非甲乙也○箋曰類篇空又作窵揆穴也

𡩂

汚窳也从穴𡩂聲朔方有窳渾縣

以主切

注曰汚窳蓋與汚裏同亦謂下也以裏與窳同韵  
窳與窳同韵故分別其辭史記舜陶河濱器不苦  
窳裴駰曰窳病也按器窳者低陷之謂亦汚窳之  
意也釋詁曰窳勞也郭云勞苦者多情窳此皆汚  
窳引申之義釋元應屢引楊承慶字統說懶者不

能自起如瓜瓠在地不能自立故字从𦍋又懶人  
恆在室中故从宀召旻正義曰艸木皆自豎立惟  
瓜瓠之屬臥而不起似若懶人常臥室故字从宀  
此亦用字統說而與元應所據有異且陸氏釋文  
孔氏正義皆引說文窳嬾也而說文無此語聞疑  
載疑不敢於一部妄補窳篆朔方郡窳渾縣地理  
志有郡國志無讀史方輿紀要曰故窳渾城在故  
夏州西北漢縣故夏州城在樹林衛西北二百里  
○箋曰鈕云污窳當作污窳渾按楊承慶說新警  
有生趣故人多喜言之然窳用𦍋爲聲不必取瓜  
瓠之義且瓜瓠亦非盡臥地者也

窗坎中小坎也从穴从𠂔𠂔亦聲易曰入于坎窞一

曰旁入也

徒感切

注曰易坎初六入於坎窞虞翻曰坎中小穴僻窞釋文引說文坎中更有坎也字林坎中小坎也然則後人以呂改許明矣今正○箋曰此恐陸氏所引舛互不煩改也窞蓋坎中淺處

窞窞也从穴卯聲

匹兒切

注曰考工記匠人注曰穿地曰窞呂覽穿窞窞月令淮南皆作窞窞見左傳釋文音力救力到二切○箋曰戴氏侗曰鍼經言人要下有八窞上窞弟一空在要髁下夾骨兩旁次窞中窞下窞各以其

空次第推之左右共八竈竈空窟也馬亦有八竈  
別作𦉰

**𦉰地藏也从穴告聲**

古羊切

注日月令穿竇竇鄭注入地隋曰竇方曰窖通俗  
文曰藏穀麥曰窖

**窳穿木戶也从穴兪聲一曰空中也**

羊朱切

注曰淮南汜論訓古者爲窳木方版以爲舟航儒  
行簞門圭竇鄭云門旁窳也穿牆爲之如圭矣一  
曰空中者孟康漢書注曰東南謂鑿木空中如曹  
曰窳曹當作槽窳者窳之或體玉篇云窳木槽也  
是也窳與𦉰古通用古音投音豆○𦉰曰舟部曰



俞空中木爲舟也卽鑿木如槽者故易曰剡木爲舟此俞之本義也因之穿木而洞之亦謂之窰从穴解木爲版亦謂之窰从片窰通作竇廟廡亦鑿木如槽者通作窰此一曰空中也五字蓋後人不明引申之理而增之

𪔐窰

窰

𪔐也从穴

鳥聲

多嘯切

注曰窰見目部𪔐目也杜詩動影寫宛沖融閒

窰

小視也从穴規聲

去陸切

箋曰窰與闕音義同

窰

正視也从穴中正見也正亦聲

敕貞切

箋曰廣雅釋詁曰窰視也此用其本義繫傳曰𪔐

意也左傳哀十七年傳如魚窺尾此賴之假借也

窺穴中見也从穴殺聲

丁滑切

箋曰窺與窰音義略同故繫傳引魯靈光殿賦作窺吒垂珠疑本一字餘見後

窺物在穴中兒从穴出聲

原作中出今從繫傳丁滑切

注曰魯靈光殿賦綠房紫葍窰窰垂珠謂蓮房之實窰窰然見於房外如垂珠也上文云反植荷葉故曰垂珠后稷之子不窰

窰塞也从穴真聲

待季切

注曰塞當作窰今正玉篇曰窰今作填按窰填同義

塞也从穴至聲

陟栗切

注曰寗室也見𠄎部各本謄作塞今正寗之隸體爲寗土部曰塞隔也塞於義不爲室邊塞其本義也自用塞爲寗寗字而寗廢矣且有讀寗爲寗者則愈失其本音本義矣說詳𠄎部釋言圖傳皆曰室塞也魯論語以室爲室○箋曰寗與塞相承增土正是用土隔塞之義實本一字邊塞乃其引申耳

𡗗犬从穴中暫出也从犬在穴中一曰渴也

繫傳又

也三字徒骨切

注曰引伸爲凡猝乍之儻○箋曰假借爲寗突字

承氏培元曰繫傳匪突也匪當作曲見漢書霍光傳謂竈突也

**窺匿也**

匿原作陸誤今從毛本正

**从鼠在穴中**

七亂切

注曰周易逋竄左氏無所伏竄是也堯典竄三苗于三危與流放極一例謂放之令自匿故孟子作殺三苗卽左傳繫蔡叔之繫繫爲正字竄殺爲同音假借鼠在穴中漢書所謂奉頭鼠竄也○箋曰段以竄三苗爲放之令自匿非也鼠在穴中謂之竄四而置之僻處亦曰竄耳左傳蔡蔡叔上蔡字乃粲之譌說見米部

**窺从穴中卒出从穴卒聲**

蘇骨切

注曰卒猝古今字子虛賦嫫嫫敦率上平金隄韋昭注嫫嫫敦率匍匐上也按嫫嫫謂徐行敦率謂急行

窳迫也从穴君聲

渠隕切

注曰小雅又窘陰兩毛傳窘困也

窳肆極也从穴兆聲讀若挑徒了切

注曰釋言窳肆也大戴禮王言七者布諸天下而不窳內諸尋常之室而不塞淮南俶真訓處小隘而不塞橫局天地之間而不窳齊俗訓大則塞而不入小則窳而不周墨子尚賢曰大用之天下則不窳小用之則不困管子宙合曰其處大也不窳

其入小也不塞凡此皆窕之訓寬肆左傳曰楚師輕窕此窕之引申也唐石經作窕从山誤

**穹窮也从穴弓聲**

去弓切

注曰幽風穹窒熏鼠毛傳穹窮室塞也韓人爲皋陶穹者三之一注謂鼓木腹穹隆爲鼓三之一釋天穹蒼蒼天也今人皆謂高爲穹隆

**究窮也从穴九聲**

居又切

注曰究窮也釋言同小雅常棣傳曰究渎也釋詁及大雅皇矣傳曰究謀也皆窮義之引申○箋曰窮猶極也故究又訓爲終

**窮極也从穴躬聲**

渠弓切

注曰或假爲躬字如鞠躬古作鞠窮

窵冥也从穴自聲

烏皎切

窵窵也从穴交聲

烏叫切

注曰冥者窈也上林賦巖窵洞房窵亦作突郭璞曰於巖穴底爲室潛通臺上也按郭以通釋洞小顏改突爲突於郭注巖穴底爲室之下增如窵突然四字妄矣○箋曰漢書司馬相如傳窵作突傳寫誤爲突故小顏以如窵突釋之此由未辨其誤非輒改也突者窵之異文亦非窵之別體

窵深遠也从穴遂聲

難遂切

箋曰遂與隧音同義近

窳 澁遠也从穴幼聲

烏皎切

注曰周南毛傳窳窳幽閒也

窳 查窳也从穴條聲

徒弔切

注曰廣雅曰窳窳澁也西京賦曰望窳窳以徑廷

薛曰過度之義也集韻窳同窳

窳 窳地也从穴毳聲一曰小鼠聲

原奪聲字今從繫傳補

周禮

曰大喪甫窳

充茂切

注曰周禮小宗伯家人皆曰甫窳鄭注甫始也鄭

大夫讀窳皆為窳杜子春讀窳如毳皆謂莽窳墳

也今南陽名窳地為窳聲如腐脆之脆按此注讀

窳為窳者易其字也一曰謂鼠聲之小者也窳入



聲如猝於鼠聲相似

窆下棺也从穴乏聲周禮曰及窆執斧

方驗切

注曰土部塋葬下土也春秋傳朝而塋禮謂之封周官謂之窆按土喪禮下篇及窆注窆下棺也今文窆爲封周禮鄉師云及窆執斧以蒞匠師按塋窆封三字分蒸侵東三韵而一聲之轉

窆之厚夕从穴屯聲春秋傳曰窆窆从先君於地

下陟倫切

窆窆也从穴夕聲

詞亦切

注曰窆篆下當有窆窆二字今依全書例補厚釋窆夕釋窆窆十三年左傳曰惟是春秋窆窆之事

所以從先君於禰廟者杜曰窀厚也岁夜也厚夜  
猶長夜春秋謂祭祀長夜謂葬葬按許引與今左  
傳異

窀入鰕刺穴謂之窀从穴甲聲

烏狎切

注曰此蓋古醫經之言齊民要術說相牛有窀字  
○箋曰繫傳曰若今人言五藏窀穴有肝窀肺窀  
是也

### 文五十一 重一

窀寐而有覺也从宀从𠂔夢聲周禮以日月星辰占

六寢之吉凶一曰正寢二曰辟寢三曰思

繫傳作解寢

四曰寤原本作悟今從繫傳寢五曰喜寢六曰懼寢凡寢之

屬皆从寢

莫鳳切

注曰𡇗者覆也𡇗者倚箸也夢者不明也今字假夢爲之○箋曰寐而有覺者寢寐中如有知覺也占通作夢周禮大卜鄭注夢者人精神所寢可占者或曰論衡論从篇夢者沴之次也故从𡇗灝按或說自通然愚謂𡇗直取睡臥意耳六寢見周禮

占夢



病臥也从寢省寢省聲

七桂切隸省作寢

注曰寢者臥也寢者病臥也此二字之別今字槩作寢矣寢籀文寢○箋曰此卽𡇗部寢之異文寢與寢寐等字皆由寢得義而寢反从寢省殊有可

疑寢爲止息故引申之凡息事皆曰寢又人貌  
曰寢假借字也史記武安侯傳武安者貌侵集解  
引韋昭曰侵音寢短小也又曰醜惡也廣韵別作  
寢云寢痛又兒醜也

**寐**

臥也从𡇗省未聲

密二切

注曰寐俗所謂睡著也周南毛傳曰寐寢也

**寤**

寐覺而有言

原本作信今從段正

曰寤从𡇗省吾聲一曰晝

見而夜寢也

五故切

**𡇗**

籀文寤

注曰寐覺而有言依韵會本訂釋元應引倉頡篇

覺而有言曰寤左傳季寤字子言是其證按周南

毛傳寤覺也衛風鄭箋同鄭釋周禮寤夢云覺時

道之而夢亦與倉頡篇同也古書多假寤爲悟周禮占夢釋文寤本亦作寤此用籀文而小變



楚人謂寐曰寢从寢省聲女聲

依倨切

注曰寢猶教也教黏也



原本作廩今從段正

寐而厭也

原作未厭今從繫傳

从寢省米聲

莫禮切

注曰廣雅曰寢執厭也按厭魔正俗字倉頡篇曰

伏合人心曰厭字苑曰厭眠內不祥也皆見元應

書西山經翼望之山鳥名鵠鵠服之使人不厭此用厭字之取古者寢古多假昧爲之郭注山海經引周書服之不昧爲不厭之證莊子天運曰彼不得夢必且數昧焉司馬彪曰昧厭也按此篆今本

說文作寐攷廣雅篇韵皆作寐不載寐字可知古

木說文作寐也今正

**𦉰**孰寐也从𦉰省水聲讀若悸求癸切

注曰玉篇廣韵集韵類篇皆渠季切

**𦉱**臥驚病也从𦉰省丙聲皮命切

注曰爾雅三月爲病月作此字

**𦉲**瞑言也从𦉰省臬聲牛例切

注曰瞑言者寐中有言也寐亦作𦉲俗作𦉲

**𦉳**臥驚也一曰小兒號寤寤一曰河內相誣也从𦉰

省从言火滑切

注曰廣雅曰寤覺也義相近今江蘇俗語曰睡一

寤小兒號別一義寤寤者號聲河內相評又別一義評者召也相召曰寤如言咄少卿良苦言嘆大姊之比河內人語如此

文十重一

倚也

倚繫傳作病

人有疾病象倚箸之形凡疒之屬皆

从疒

女尻切

注曰倚與疒聲相近橫者直者相距故曰象倚箸之形○箋曰段說象形未確瀕謂疒疑只象臥寢从片建類从一指事片即古牀字說見片部人有疾則臥時多故凡疾病字皆用爲徧旁久而遂專其義若直訓爲疾則寤寐等字从疒爲不協於義

矣且女尾切亦非疾之本音𠂔讀與匿同高誘注  
呂覽論人云匿猶伏也卽睡臥之義也隸變作𠂔  
上有點者蒙𠂔而加之倚繫傳作痢大誤蓋淺人  
以倚爲譌字而改之也

𠂔病也从𠂔矢聲

秦悉切

𠂔古文疾

段改作甘

𠂔籀文

疾

注曰經傳多訓爲急也速也此引申之義矢能傷  
人矢之去甚速故从矢會意聲字疑衍古文作𠂔  
各木篆體誤今正○箋曰釋名云疾疾也客氣中  
人急疾也繫傳曰病來急故从矢矢急疾也此因  
聲載義也矢聲古音在支部疾聲在眞部故段以



爲未諧而疑聲字爲衍然至室等聲亦與疾同部而音近支古經疾與日韵又與血室韵者僅衛風及小雅雨無正各一見與實卽韵者易鼎卦一見安知非商周時聲轉乎如謂疾爲矢之急疾則義當屬矢而假借爲疾病字亦不得謂之會意也疾之引申爲凡急速之稱又爲疾惡之義集韵類篇增甘字以爲疾之古文蓋因籀文章及籀篆並云甘古文疾遂致妄增不知此乃古之假借如疋古文以爲難中古文以爲艸之例非謂疋卽難字中卽艸字甘卽疾字也段氏不能糾正反援以屨改許書斯爲謬矣

痛病也从疒甬聲

他貢切

箋曰釋名云痛通也通在膚脈中也漢武榮碑瘧  
乎我君費鳳碑瘧兮切惻竝从心古通作慟引申  
爲極甚之辭

病疾加也从疒丙聲

皮命切

箋曰疾甚爲病引申之凡有所困苦有所憂患皆  
曰病西周策曰是楚病也秦策曰樗里子知蒲之  
病也高注病困也論語曰君子病無能焉皇侃曰  
病猶患也

腫病也从疒鬼聲詩曰譬彼痀木一曰腫旁出也

胡切

注曰今小雅小弁作壞木毛傳壞癭也謂傷病也  
鄭箋云猶內傷病之木內有疾故無枝也疑今詩  
傳壞癭二字互譌許及樊光所引皆作癭木爲是  
腫旁出別一義釋木癭木苻婁郭注謂木病疴偃  
癭腫無枝條○箋曰苻婁卽疴癭也腫旁出謂木  
病癭癭

疴病也从疒可聲五行傳曰時卽有口疴

烏何切

箋曰繫傳曰五行傳劉向所作演尙書鴻範之意  
也漢書五行志傳曰言之不從是謂不艾時則有  
口舌之疴按疴與疴同

痛病也从疒甫聲詩曰我僕痛矣

替胡切

注曰釋詁毛傳同詩周南卷耳文

慄病也从疒莖聲

巨斤切

注曰釋詁曰慄病也字亦作慄

瘵病也从疒祭聲

側介切

注曰釋詁曰瘵病也小雅菀柳毛傳同鄭云瘵接

也則謂詩假瘵為瘵也

瘵病也从疒眞聲一曰腹張

都年切

注曰大雅雲漢傳同按今之顛狂字也廣雅瘵狂

也張汲古閣本作脹誤古無脹字左傳晉侯孺將

食張如廁卽今之脹字

瘵病也从疒莫聲

慕各切

注曰小雅曰亂離瘼矣釋詁毛傳皆云瘼病也方

言曰瘼病也東齊海岱之間曰瘼

疔腹中急痛也

原脫痛字依繫傳補从疔聲切古巧

注曰今吳俗語云絞腸刮肚痛其字當作疔古音

讀如糾釋詁云咎病也咎蓋古文假借字

瘰病也从疔員聲

王問切

癰病也从疔閒聲

戶閒切

注曰今俗語皆呼閒切方書小兒有五癰王符貴

忠篇云哺乳多則生癰病元應引聲類云今謂小

兒瘰曰癰也

疔病也从疔出聲

五忽切

癰病也从疒此聲

疾咨切

注曰古亦假玼爲之廣韵疾移切是也

癰固病也从疒發聲

方肺切

注曰此當云癰固逗病也下文痼爲久病癰固則

經傳所云廢疾也癰猶廢固猶錮如瘖聾跛躄斷

者侏儒皆是廢爲正字廢爲假借字

瘡病也从疒者聲詩曰我馬瘡矣

同都切

注曰周南卷耳曰我馬瘡矣釋詁毛傳皆曰瘡病

也幽風鳴鵒傳同

癰小兒癰瘕病也从疒𠂔聲

原本在後疫篆之次今移前尺制切

癰病也从疒從聲

即容切

注曰今小兒驚病也癰之言掣也癰之言縱也藝  
文志有癰癰方○箋曰玉篇癰尺世胡計二切癰  
也癰子用切病也又癰癰小兒病廣韵三鍾不收  
癰字宋韵癰子用切鼎臣所載卽容切蓋緣廣韵  
癰之上文縱字又子容切而誤又說文無忍字蓋  
偶佚之耳鼎臣云契省聲非也

痺寒病也从疒辛聲

所臻切

注曰凡素問靈樞本艸言洒洒洗洗者其訓皆寒  
皆痺之假借古辛聲先聲西聲同在真文一類

痺頭痛也从疒或聲讀若溝洫之洫

吁通切

注曰毛詩洫作洫古文闕作闕是合音之理也

瘡酸病

切

頭痛从疒尢聲周禮曰春時有疒首疾

相邀

注曰周禮疾醫春時有疒首疾鄭注疒酸削也首

疾頭痛也疏曰春時陽氣將盛惟金沴木故有疒

首之疾

疒頭瘍也从疒匕聲

卑履切

注曰周禮醫師凡邦之有疾病疒瘍者造焉則使

醫分而治之鄭注疒頭瘍亦謂禿也

瘍頭創也从疒易聲

與章切

注曰頭字蓋贍上文疒曰頭瘍則見瘍不專在頭

矣鄭注周禮身傷曰瘍檀弓曰居喪之禮身有瘍



則浴○箋曰周禮瘍醫掌腫瘍潰瘍金瘍折瘍之

視藥剗殺之齊

𦘒瘍也从𠂔羊聲

似陽切

注曰小雅瘋憂以痒毛傳瘋痒皆病也今字以痒

為癢非也癢之正字說文作𦘒

𦘒目病一曰惡氣箸身也一曰蝕創从𠂔馬聲

莫駕切

注曰凡三義蝕者敗創也

𦘒散聲从𠂔斯聲

先楷切

注曰方言𦘒噎也楚曰𦘒又曰𦘒散也東齊聲散

曰𦘒秦晉聲變曰𦘒器破而不殊其音亦謂之𦘒

按與斯𦘒字義相通馬𦘒字亦當作此○箋曰今

粵人謂食而哽噎曰癪噎

癪口𠵿也从𠵿爲聲

韋委切

注曰口部𠵿口戾不正也此亦疊韵爲訓

癪癪也从𠵿決省聲

古穴切

注曰廣韵云瘡裏空也今義也

瘡不能言也从𠵿音聲

於今切

箋曰瘡名云瘡奄然無聲也王制瘡聾疲蹙釋文

瘡啞也

癪頸癪也从𠵿嬰聲

於郢切

注曰頸癪如囊者也博物志曰山居多癪飲水之不流者也凡楠樹樹根贅肱甚大析之中有山川

花木之文可爲器械吳都賦所謂楠癭之木三國  
張昭作楠癭枕賦今人謂之癭木是也癭木俗作  
影木楠癭俗作楠樛皆誤字耳

**癭** 頸腫也从疒婁聲力豆切

注曰淮南說山訓雞頭已癭高注癭頸腫疾也雞  
頭水中芡也頸腫卽釋名之癰喉○箋曰釋名癰  
喉氣著喉中不通積成癰也非頸腫之謂段誤戴  
氏侗曰蟻所蠹蝕爲螻人病頸腫如螻攻者亦曰  
螻別作癭

**癭** 頸腫也从疒又聲于救切

注曰與頁部頰疒音義同○箋曰呂覽盡數篇處

腹則爲張爲疔高注疔跳動腹疾瀨按疔卽疔字  
从又之字多互从寸也跳動正與顫義近頁部之  
頃或作疔其字竝从九與此異字說見頁部

**瘀積血也从疔於聲**

依倨切

注曰血積於中之病也九辯曰形銷鑠而瘀傷

**痧腹痛也从疔山聲**

所晏切

注曰釋名曰心痛曰疔疔誅也氣誅誅然上而痛  
也又陰腫曰隤氣下隤也又曰疔亦言誅也誅誅  
引小腹急痛也○箋曰疔當以陰腫爲本義小腹  
急痛因而上連於心故又謂心痛曰疔顏師古注  
急就章云疔腹中氣疾上下引也是也

疝小腹病从疒肘省聲

繫傳有讀若紂三字陟柳切

注曰小當作心字之誤也玉篇云疝心腹疾也○

箋曰疝疑卽疢之重文說見前

癰滿也从疒癰聲

平視切

注曰毛詩傳曰不醉而怒曰癰然則癰謂氣滿

癰俛病也从疒付聲

方集切

注曰方言短東陽之間謂之疝按俛者多庫

癰曲脊也从疒句聲

其俱切

注曰玉部玖下曰讀若人句脊之句二句字皆疝

之誤疝古音讀如苟○箋曰玖下二句字用假借

耳

癰 疔氣也从疒从疔从欠居月切癰瘕或省疔

注曰釋名曰厥逆氣也從下歷起上行入心脅也  
高誘呂覽注曰歷逆寒疾也○箋曰氣厥不獨寒  
疾素問厥論曰陽氣衰於下則為寒厥陰氣衰於  
下則為熱厥王冰注厥謂氣逆上也此字正作厥  
从欠苒會意相承增病旁今以為歟从癰省非也  
醫家通用厥

悸 氣不定也从疒季聲其季切

注曰心部曰悸心動也義相近玉篇曰悸亦作悸  
○箋曰漢書田延年傳使我至今病悸韋昭云心  
中喘息曰悸

𩑦風病也从疒非聲

蒲罪切

注曰非風雙聲釋詁曰癰病也郭注云見詩按詩小雅百卉具腓李善注文選戲馬臺詩云韓詩百卉具腓薛君云毛萇曰癰病也然則毛詩作癰與釋詁合癰當扶非切亦作癰

癰腫也从疒畱聲

力求切

注曰釋名痛流也流聚而生腫也

癰小腫也从疒坐聲一曰族癰

繫傳此下有病字昨禾切

注曰玉篇曰座癰也左傳牲不疾癰蠱癰者族之俗蠱與索同部杜注以皮毛無疥癰釋之釋文云說文蠱作癰此說文二字有譌當是別本作癰○

箋曰錢氏大昕曰說文疒部癰畜產疫病也此癰  
蟲之正字王氏念孫曰癰蟲急言之則爲瘰爾雅  
瘰接慮李接慮急言之亦近於瘰也灝按族系者  
血氣聚結如癰故許云小腫顧云癰也

𦵏久癰也

久字依繫傳補从疒且聲

七余切

注曰後漢書劉焉傳注釋元應一切經音義皆引

久癰與小徐合癰久而潰沮澤然也

癰癰也

从疒麗聲

一曰疫黑讀若隸

郎計切

癰腫也

从疒雖聲

於容切

注曰釋名曰癰壅也氣壅否結裏而潰也

癰寄肉也

从疒息聲

相卽切



注曰內部腥下曰星見食豕令肉中生小息肉也

息卽瘰○箋曰錢氏玷曰鼻疣曰瘰肉

癰

乾瘍也

从疒鮮聲

息淺切

注曰釋名曰癰徙也浸淫移徙處日廣也故青徐

謂癰爲徙也○箋曰史記越王句踐世家齊與吳

疥癰也索隱音介𡗗按鮮徙一聲之轉

疥

搔也

从疒介聲

古拜切

注曰搔俗作癢或作癢穌到切今四川人語如此

禮記釋文引說文疥癢瘍也文選登徒子好色賦

注引疥癢也皆以俗字改正字耳釋名曰疥𡗗也

癢搔之齒𡗗𡗗也

痂 疥也从疒加聲古牙切

注曰痂本謂疥後人乃謂瘡所蛻鱗爲痂此古義  
今義之不同也蓋瘡鱗可曰介介與痂雙聲之故  
耳南史劉邕嗜食瘡痂謂有鮫魚味○箋曰顏注  
急就篇云痂創上甲也疥疑涉上文而誤當作介

癩 女病也从疒段聲平加切

注曰女字必是衍字詩厲假不瑕鄭箋云厲假皆  
病也正義引說文癩疫病也瘕病也是唐初本無  
女字瘕蓋腹中病錢氏大昕曰唐公房碑癩瘕不  
遐卽鄭箋之癩瘕不瑕也○箋曰唐公房碑假通  
作瘕則瘕者腹病如瘕也

癘惡疾也

从疒萬聲

原作萬省聲今正洛帶切

注曰古義謂惡病包內外言之今別製癘字訓爲惡瘡訓癘爲癘疫古多借厲爲癘公羊傳作痢何注云痢者民疾疫也○箋曰古所傳惡疾蓋大風癘癘之類非尋常疥癩也萬古重唇音轉爲邁故癘用爲聲大徐萬省聲小徐厲省聲竝非萬厲亦萬聲也今徑正之

癘

寒熱休作

繫傳有病字

从疒从虐虐亦聲

魚約切

注曰謂寒與熱一休一作相代也周禮曰秋時有

瘧寒疾

疒

有熱瘧从疒占聲春秋傳曰齊侯疥遂疒

失廉切

注曰有熱無寒之瘧也春秋傳左氏昭二十年文  
按梁元帝及袁狎顏之推欲改疥爲瘵所謂無事  
而自擾也陸氏德明旣辨之矣○箋曰陸云傳例  
因事曰遂若瘵已是瘵疾何爲復言遂瘵乎其辨  
未當梁元帝讀疥爲瘵是也疏引袁狎云瘵是小  
瘵瘵是大瘵蓋其病由輕而重故謂之遂耳

瘵二日一發瘵从疒亥聲

古諧切

注曰今人謂間二日一發爲大瘵顏之推云兩日  
一發之瘵今北方猶呼瘵瘵音皆

淋病从疒林聲

力尋切

注曰釋名曰淋懔也小便難懔懔然也

痺後病也从疒寺聲

直里切

箋曰莊子人間世篇與人有痔病者釋文引司馬

注痔隱創也素問生氣通天論腸澼爲痔

痺也从疒委聲

儒佳切

注曰張揖曰痿不能行也按古多痿痺聯言因痺

而痿也素問曰有漸於溼肌肉濡漬痺而不仁發

爲肉痿玉篇曰說文音裴

痺溼病也从疒界聲

必至切

注曰素問痺論痿論各爲篇岐伯曰風寒溼三氣

雜至合而爲痺○箋曰溼病肌肉麻木曰痺今卑

人常語

痺足氣不至也从疒畢聲毗至切

注曰玉篇云足氣不至轉筋也○箋曰繫傳曰今人言久坐則足痺高士傳曰晉侯與亥唐坐痺不敢壞坐也

痺中寒腫𦵿从疒豕聲陟玉切

注曰趙充國傳手足皸瘃文類曰瘃寒創也按腫𦵿者腫而肉中鞭如果中有𦵿也

偏半枯也从疒扁聲匹連切

注曰尚書大傳禹其跳湯扁其跳者跂也鄭注云其發聲也跂步足不能相過也扁者枯也注言湯體半小偏枯按扁即偏之假借偏之言偏也

癰脛氣足腫从疒童聲詩曰既微且癰時重癰籀

文从元

注曰小雅巧言既微且癰釋訓毛傳皆云肝瘍為

微腫足為癰籀文本作癰或變為癰○箋曰繫傳

曰下溼地則生此疾故詩曰彼何人斯居河之涓

既微且癰爾勇伊何也

瘡跛病也从疒盍聲讀若瘡又讀若掩烏盍切

注曰廣韵曰瘡短氣也此今義也

瘡痛二字毆傷也从疒只聲諸氏切

瘡痂也从疒有聲段增一曰痂瘡也五字榮美切

注曰痂瘡二字依全書通例補漢書薛宣傳注應

劬曰以杖手毆擊人剝其皮膚起青黑而無創瘕者律謂痕病按痕下奪去六字留作其有創瘕者曰瘕文選嵇康詩注引說文瘕瘕也今據補一曰創瘕也五字急就篇顏注云毆人皮膚腫起曰瘕毆傷曰瘕○箋曰段補字非也阮太傅曰鮪魚青黑故漢律毆傷人者謂之瘕此當與小顏說參看蓋毆人但皮膚腫起者謂之瘕傷至青黑色則謂之瘕也

瘕創裂也一曰疾癰从疒驚聲

以水切

注曰一曰疾癰玉篇作一曰疾也

疥皮剝也从疒丹聲

繫傳此下有讀若丹字赤占切

疥癩



文从反

原本篆从反今依段正

注曰剝裂也籀文各本从反今按尸部反字也故

正之

癰痛也从疒農聲

奴動切

箋曰一切經音義十一曰癰今作癰同

瘰傷也从疒夷聲

以脂切

注曰成十六年公羊傳敗者偁師楚何以不偁師

王瘰也按周易夷傷也左傳察夷傷皆假夷字爲

之

癰瘰也从疒

般聲

薄官切

注曰長楊賦充鋌瘰者孟康曰瘰者馬脊創瘰處

也按古義傷處曰瘕今義少異○箋曰釋名曰瘕漫也生漫故皮也一切經音義三引倉頡篇瘕痕也灝按瘕之言班謂創處結痂其痕班駁也段因瘕訓瘕遂謂今義少異愚謂瘕字蓋涉上文而誤

腹臄瘕也从疒良聲

戶恩切

注曰臄瘕謂臄之傷肉部腫下云瘕臄也與此同義臄下云腫也則不必傷者也按今義與此亦異皆逐末而忘本也韵會無臄字○箋曰段說未瞭荀子子道篇手足胼臄以養其親楊注臄皮厚也文選司馬相如難蜀父老注引三蒼解詁曰臄臄也蓋皮厚如繭謂之臄創瘕相類故古以瘕臄並

言肉部腫下繫傳本作跟胠也此實胠之本義蓋足跟皮厚引申爲繭足之稱耳此說解不必有胠字韵會但云癢也其義爲優段氏好以韵會改說文而此獨不從之何也

痙彊急也从疒至聲

其頸切

注曰本艸經朮主痙疸廣韵曰風強病也按急就篇癰疽癰癢癰疫卽痙顏云四體強急難用屈申也○箋曰急就篇本作痙其作疫者鈕云葉林宗臨宋溫仲石刻本也段氏好奇故易之然說文無痙亦非痙也戴氏侗曰醫書以中寒溼發熱惡寒頸項彊急身反張如中風狀或掣縱口噤爲

痊痊亦作瘥乃瘥之譌也

𢇛動病也从疒蟲省聲

徒冬切

注曰瘥卽疼字釋名曰疼旱氣疼疼然煩也按詩  
旱旣太甚蘊隆蟲蟲韓詩作鬱隆炯炯劉成國作  
疼疼皆旱熱人不安之兒也今義疼訓痛○箋曰  
一切經音義十四云疼又作瘥瘥二形同說文瘥  
動痛也釋名疼瘥也下里閒音騰灝按瘥从蟲聲  
訓爲動病恐非疼義元應引作動痛蓋誤段以旱  
熱釋之尤非其義且釋名疼訓瘥元應引同亦不  
言旱氣未可強合也

瘥腫也从疒安聲

所又切

注曰肉部臞少肉也

𤑔熱病也从疒从火

丑刃切

注曰其字从火故知爲熱病小雅疾如疾首鄭箋  
疾猶病也此以疾爲煩熱之侮

𤑔勞病也从疒單聲

丁幹切  
賀二切

注曰大雅下民卒瘁釋詁毛傳皆云瘁病也小雅  
哀我瘁人釋詁毛傳皆曰瘁勞也瘁與疸音同義  
別

疸黃病也从疒旦聲

丁幹切

注曰素問曰溺黃赤安臥者黃疸目黃者黃疸

𤑔病息也从疒夾聲

苦叶切

注曰病息謂病之鼻息也心部瘧土部瘞竝从此

痼痛也从疒否聲

符鄙切

注曰廣韵曰腹內結痛

傷脈瘍也从疒易聲

羊益切

注曰脈瘍疊韵善驚之病也方言曰脈瘍欺漫也

又曰慧自關而東趙魏之間謂之黠或謂之鬼郭

注言鬼脈也潘岳賦靡聞而驚無見自脈漢書所

云易病者當是瘍之假借王子侯表樂平侯訢病

狂易○箋曰廣雅曰瘍癰也

癰狂走也从疒朮聲讀若欬

食聿切

注曰春秋陳侯鮑卒公羊傳曰悵也何注悵狂也

按疵慙蓋同字

瘡勞也从疒皮聲

符羈切

注曰經傳多假罷為之

瘡痕也

瘡原本作瑕今從繫傳

从疒市聲

側史切

注曰古本皆作瑕惟小徐及毛本及集韻作痕恐

是譌字疝之言疵也○箋曰作瘡者是也疝與肺

竝从市聲易噬嗑噬乾肺陸注肉有骨謂之肺蓋

瘡者腹中積塊亦如肉中有聚然故謂之疝而訓

為瘡也

疝病不翅也

不翅二字依繫傳補

从疒氏聲

渠支切

注曰爾雅釋詁詩無將大車白華傳皆云疝病也

古書啻或作翅倉頡篇曰不啻多也古語不啻如  
楚人言夥頤之類世說王文度弟阿至惡乃不翅  
晉宋閒人尙作此語○箋曰段謂不啻如言夥頤  
之類非也病不翅猶言病不止惡乃不翅亦言爲  
惡不止也說詳口部啻下白華之疵訓病此字本  
義若無將大車之疵則是瘡字之誤說詳通介堂  
經說

瘵病劣也从疒及聲

呼合切

注曰劣猶危也

瘵劇聲也从疒毆聲

於賣切

注曰劇者病甚也瘵者病甚呻吟之聲西部醫下



癰力中切 癰病也从疒隆聲

寵病也从疒隆聲

切力  
中

降籀文癰省

民皆疾也从疒役省聲

切營隻

馬病也从疒多聲詩曰𩑦𩑦駱馬

切丁可

注曰小雅四牡曰嘽嘽駱馬口部訓喘息兒與毛傳合此作疹疹訓馬病其爲三家詩無疑單聲之

字古多轉入歌部

𢓑馬脛瘍也从疒兌聲一曰將傷

徒活切

注曰瘍廣韵作傷將疑當作將將瘍疊韵小徐本作持

𢓑治也从疒樂聲

繫傳有讀若勞三字力照切

𢓑或从𢓑

注曰方言曰療治也周禮注云止病曰療詩陳風泌之洋洋可以樂飢鄭箋云可飲以療飢鄭讀樂爲療也唐石經依鄭改爲療誤矣

𢓑久病也从疒古聲

古慕切

注曰古多假固爲之月令季冬行春令則國多固疾鄭注生不充性有久疾也按癢疾爲錮疾癰謂

久疾故許異其義○箋曰疔又作瘡與創通瘡疾不治亦久病也段強生分別非是又段改篆作瘡而不言所據蓋信筆改之

**癰**楚人謂藥毒曰痛癰从疒刺聲

盧達切

注曰方言曰凡飲藥傳藥而毒南楚之外謂之刺北燕朝鮮之間謂之癰東齊海岱之間謂之眠或謂之眩自關而西謂之毒癰痛也郭云癰癰皆辛螫也按癰如俗語言辛辣○箋曰眠眩卽瞑眩

**癰**朝鮮謂藥毒曰癰从疒勞聲

郎到切

箋曰今用爲癰癰字

**瘡**瘡也从疒聲

楚懈切又才他切

注曰瘥通作差凡等差字皆引申於瘥○箋曰段  
謂差與瘥通是也其云等差字皆引申於瘥則大  
繆方言曰南楚病愈者謂之差讀楚懈切灝按差  
過也失也病瘥曰差猶言痼疾若失也又言病去  
體也又爾雅曰瘥病也小雅節南山篇天方薦瘥  
毛傳同葢差字本有兩義故瘥亦兼病與瘥言瘥  
亦兩義說見後

瘥減也从广衰聲一曰耗也

楚追切

注曰減亦謂病減於常也凡盛衰字引申於瘥凡  
等衰字亦引申於瘥凡喪服曰衰者謂其有等衰  
也皆瘥之假借耗之本義禾名也亦謂無爲耗讀

如眊○箋曰段謂盛衰等衰皆瘕之引申喪服之  
衰亦瘕之假借殊誤造字先有衰而後有瘕衰安  
得反從瘕引申假借乎喪服之衰借艸雨衣之衰  
爲之盛衰等衰乃衰之引申耳說具衣部又無之  
重唇音讀如模聲轉爲耗亦假耗爲無也

瘕病瘳也从疒俞聲

以主切

注曰釋詁及小雅角弓毛傳皆曰瘕病也渾言之  
謂瘳而尙病也許則析言之謂雖病而瘳也凡訓  
勝訓賢之愈皆引申於瘳○箋曰段說殊牽混小  
雅正月曰父母生我胡俾我瘳角弓曰不令兄弟  
交相爲瘳豈謂瘳而尙病乎瘳訓爲病又爲瘳者

亦猶瘥之有兩義也周策曰周王病瘥矣史記周本紀作病甚瘥訓爲甚亦訓爲過古通作踰踰者過也史記汲黯傳無以踰人索隱作瘥云勝也勝亦過也又通作愈愈亦過也瘥爲過甚之義又爲過去之義故瘥調之病亦謂之瘥矣

瘥疾瘥也从疒參聲

救鳩切

箋曰金滕王翼日乃瘥傳曰瘥差也左氏文十六年傳請俟君閒杜注閒疾瘥也論語病閒孔安國注病少差曰閒釋文竝云閒如字蓋相閒卽相差之義故病愈謂之差亦謂之閒

瘥不慧也从疒疑聲

丑之切

注曰心部慧猿也大部猿急也癡者遲鈍之意故與慧正相反○箋曰不慧言其癡愚非遲鈍也方言曰癡騃也心部曰癡騃也二字音義竝同繫傳曰癡者神思不足故亦病也

文一百二 重七

段於疲下增病篆云疲也从疒肩聲注曰各本無此

篆今依謝靈運發臨海嶠詩注引說文補篇韻皆云痛骨節疼也今俗謂痛酸鈕云篇韻痛不引說文則李引恐非

𠂔 覆也从一下垂也凡𠂔之屬皆从𠂔

莫狄切

注曰一者所以覆之也覆之則四面下垂○箋曰𠂔又作幕說文無幕字幕即幙也中部曰幙慢也慢幕也帷在上曰幕與覆義同一幙慢幕一聲之

轉口象巾覆物形

**冠** 簪也所以簪髮弁冕之總名也从口从元元亦聲

冠有法制从寸

古丸切

注曰冠簪疊韻冠以約束髮故曰簪髮引申爲凡覆蓋之稱析言之冕弁冠三者異制渾言則冕弁亦冠也○箋曰古之冠者以笄貫髮而巾覆之故曰所以簪髮也白虎通曰冠者捲也所以捲持其髮也釋名曰冠貫也所以貫韜髮也灝按从元首也从一覆之戴氏何曰从寸笄也與導同是也因之爲弁冕之總名又引申之凡有所戴皆曰冠

**冠** 積也从口从取取亦聲

才句切



注曰取與聚音義同與月部之取音義別公羊傳  
曰會猶取也何注取之爲言聚周禮太宰注凡簿  
書之取目猶今言總目也凡云殿取者皆當作从  
一宇項岱曰殿負也取善也韋昭曰第上爲取極  
下爲殿蓋聚積則必有其高處也今各書此等取  
字皆譌作取○箋曰繫傳曰古之人以聚物之聚  
爲取上必有覆冒之也顯按取與聚因通用而致  
混淆月部取下繫傳本有一曰會三字乃淺人不  
知其義而妄增之鈕氏樹玉反據彼以爲說未知  
所擇也

**𠂔** 奠酒爵也

原本酒爵二字誤  
創今從繫傳正

从口託聲周書曰王

三宿三祭三託當故切

注曰書顧命曰王三宿三祭三咤傳曰酌者實三爵於王王三進爵三祭酒三奠爵刀部曰奠置也○箋曰顧命釋文云咤陟稼反又音妬說文作託云奠爵也馬本作託按託者託之誤咤又從託而易其偏旁也陸引此無酒字是

文四

𠔁重覆也从口一凡曰之屬皆从𠔁莫保切讀若艸莓

注曰下一覆也上又加一一是爲重覆○箋曰𠔁與月形聲義皆相近疑本一字因所屬之字或从一

或从二故各爲部首耳讀若苒者聲轉之異

同合會也从囗从口

徒紅切

注曰口皆在所覆之下是同之意也○箋曰口者器物也曰覆之則會合爲一矣口象器物不必从口相承筆迹小異耳鼎臣謂周書受同齊故从口此等說字最爲紕繆

𦘒幬帳之象从囗出其飾也

苦江切

注曰巾部幬幬帳也○箋曰𦘒疑卽古幬字廣雅曰幬謂之幬本或作幬方言曰幬幬翳也楚曰幬關西關東皆曰幬釋名曰幬童也施之車蓋童童然以隱蔽形容也爾雅彫幬也幬翳也郭云今之

羽葆幢文選馬泚督誅曰殊以幢蓋之制李注幢蓋將軍刺史之儀也肯當是全體象形楚金云出象上飾也

𡩺

覆也从𡩺豕

莫紅切

注曰凡蒙覆僅蒙之字今皆作蒙依古當作豕蒙行而豕廢矣艸部蒙艸名也○箋曰豕冒雙聲義亦相近故豕謂之冒冒亦謂之豕周禮方相氏掌蒙熊皮鄭注蒙冒也𡩺部曰冒蒙而前也

#### 文四

𡩺

小兒蠻夷頭衣也从𡩺二其飾也凡𡩺之屬皆从

𡩺

莫報切

注曰荀卿曰古之王者有務而拘領者矣楊注務  
讀爲冒拘與勾同淮南書曰古者有蓋而纒領以  
王天下者高注古者蓋三皇以前也蓋著兜蓋帽  
言未知制冠按務與蓋皆讀爲日月卽今之帽字  
後聖有作因日以制冠冕而日遂爲小兒蠻夷頭  
衣○箋曰日疑是象形文引申爲凡覆冒之稱日  
冒古今字

圓大夫以上冠也窵延垂塗紃纁从日兔聲古者黃

帝初作冕

亡莽切

纒冕或从糸

篆从兔原本  
缺末筆今補

注曰周禮弁師王之五冕皆元冕朱裏延紐尙書  
論語謂之麻冕用三十升布上元下朱爲延天子

至大夫所同也其字左傳作纓垂瑩詳玉部統纓  
糸部統所以縣瑱也太平御覽引世本曰黃帝作  
旃冕宋衷注云通帛爲旃應劭曰周始加旒聘禮  
注今文冕皆作纓○箋曰禮器曰天子之冕朱綠  
藻十有二旒諸侯九上大夫七下大夫五士三正  
義曰雜用夏殷禮也周家旒數隨命數又士但爵  
弁無旒許云大夫以上冠蓋據周制而言也冕之  
言俛也前俯後仰也其制以三十升布爲之元表  
朱裏冕之上覆謂之延邃延者言其深且長也周  
禮弁師疏引叔孫通漢禮器制度凡冕以版廣八  
寸長尺六寸卽所謂延也初學記引董巴輿服志

爵弁一名冕廣八寸長尺二寸如爵形前小後大  
其上似爵頭色有收持弁此士之爵弁與冕制略  
同唯無旒爲異若充耳之瑱則弁冕皆有之

**胄** 兜鍪也从冑由聲

直又切

**車司馬法胄从革**

注曰古謂之胄漢謂之兜鍪今謂之盔荀卿子鹽  
鐵論太元皆作軸○箋曰兜鍪者胄之轉語也

**冑**

**冑而前也从冑从目**

繫傳作目聲其報切

**古文冑**

注曰蒙者覆也引申之有所干犯而不顧亦曰冒  
如假冒如冒白刃如貪冒是也从目目會意若無  
所見也○箋曰冑冒一聲之轉凡爲物欲所蔽而  
無知妄作曰冒昧或有所干犯曰冒犯有所求取

曰貪冒皆冢而前也又爲冢蔽人之偁戴氏侗曰  
書曰人之有技冒疾以惡之謂忌人之能而蒙蔽  
之也月卽古帽字月之形略故从目作冒引申爲  
冢冒之義後爲引申義所專又从中作帽皆相承  
增偏旁也又按繫傳部未有覓篆云犯而見也从  
月从見楚金云義同於冒王篇云突前也莫得切  
灝按周語戎翟覓沒輕僂卽此字蓋冒之異文聲  
轉岐而爲二耳

𠂔

犯而取也从月从取

祖外切

注曰莊子秋水篇鴟鵂夜撮蚤察毫末晝出瞑目  
而不見正山釋文撮崔本作最此可證最撮古音



同蚤謂齧人跳蟲也或誤爲聚爪云夜入人家索人指甲可笑也从月取會意小徐衍聲字非○箋曰最撮非但同音實本一字犯而取卽撮之義也因用爲取積字故撮又增手旁耳最撮亦一聲之轉繫傳有又曰會三字蓋淺人妄增

### 文五 重三

𠂔

再也从口闕

段作从口从𠂔从一刪闕字

易曰參天兩地凡兩

之屬皆从兩

良獎切

注曰凡物有二其字作兩不作兩兩者二十四銖之儔也當作从口从𠂔从一入部从日兩从此正相印合也今正○箋曰兩兩古今字漢書律厯志

曰權衡本起於黃鐘之重一龠容千二百黍重十二銖兩之爲兩二十四銖爲兩是兩之名義因其爲十二銖者二故謂之兩引申之凡雙行者皆曰兩故車兩輪帛兩端屨兩枚皆以兩偶易說卦傳參天兩地而倚數兩猶耦也重也許訓爲再再亦重也今直用爲一二之數非古義矣从冂闕者言其字形未詳竊謂冂者區分而二之之義二入蓋指二龠明魏氏校曰象權衡在縣此臆說而近似也

兩二十四銖爲一兩从一从冂兩段訂平分也亦聲

原作从一冂平分亦聲今從繫傳良熨切

箋曰平分卽兩之爲兩之義兩兩本一字

兩平也从廿五行之數二十分爲一辰从兩兩平也

原奪从字云兩平也今依段補正 讀若蠻

母官切

注曰二十分爲一辰說从廿之意五行每行得二十分分之適平其法未聞○箋曰兩蓋卽古滿字讀若蠻者聲之輕重耳二十兩爲一鎰鎰者溢也滿也故从廿从兩

### 文三

网庖犧所結繩以漁繩下段補以田二字从冂下象网交文凡

网之屬皆从网今經典變隸作門文紡切 罔网或从亼网

网或从糸网古文网网籀文网

注曰以田二字依廣韵太平御覽補易繫辭傳文  
○箋曰网象形其形略故又作罔从亾聲猶壘之  
从生聲也古文罔卽罔之省罔有覆蔽義故引申  
爲欺罔之僞罔亾聲相近亾與無通故罔亦訓無  
因其引申義行故又从糸作網也

罔

罔也从网奄聲

於業切

注曰蜀都賦罽翡翠

罽

罽也从网干聲

呼旱切隸作罽又省作罽

注曰吳都賦注罽罽皆鳥網也按罽之制蓋似罽  
小網長柄故天官書罽曰罽車經傳假爲眇字釋  
詁希寡鮮罽也○箋曰東京賦雲罽九旂羽獵賦

罕車飛揚非小物也段率意說之假借之義為𦉰  
亦非假其字為𦉰

**𦉰** 𦉰也从网纒纒亦聲一曰綰也

古眩切

注曰纒网主於圍繞故从纒俗作胃一曰綰者別  
一義糸部綰絹也絹即纒字俗書假借也周禮冥  
氏注云弧張罍罍之屬所以局絹禽獸翬氏注云  
置其所食之物於絹中鳥來下則拘其脚亦皆假  
絹為纒綰之言絆也下文云翼者纒獸足是其義

**𦉰** 𦉰也从网每聲

莫枯切

注曰篇韵皆曰雉網

**𦉰** 𦉰也从网異聲

思况切

**𦉰** 𦉰或从足兵

五字依緊傳補逸

周書曰不卵不蹊以成鳥獸翼者纓獸足也故或从足

注曰周書文傳解曰山林非時不升斤斧以成艸木之長川澤非時不入罔罟以成魚鼈之長不麝不卵以成鳥獸之長許所據有不蹊二字○箋曰此疑許引有誤

罔

周行也

繫傳本作周也段訂作罔也

从罔米聲詩曰罔入其阻

武移切

罔罔或从罔

注曰各本作罔行也詩釋文引作冒也乃涉鄭箋而誤今正作罔也蓋罔亦罔名其用主自上冒下故鄭箋詩殷武改毛之突入其阻爲罔入非經本

有作罾者也詩曰罾入其阻六字恐後人所增今刪○箋曰商頌殷武釋文標采入二字云面規反毛淡也鄭冒也說文作罾从网米云冒也兩引鄭箋及說文皆訓爲冒則非相涉之誤繫傳作周也周卽冒之譌後人因其單文不成義又增作周行耳段謂鄭箋改毛之突入爲采入殊失於檢覈釋文面規之音與武移切正同罾采實本一字采卽罾之省體因俗書淡字作深而毛傳又訓采爲淡遂誤認采卽淡字猶幸說文僅存得以考見段氏辨之未審而妄刪之輕率甚矣餘詳通介堂經說

罾

捕魚器也从网卓聲

都教切

注曰小雅南有嘉魚烝然罩罩毛傳罩簞也釋器  
曰簞謂之罩劉達吳都賦注罩簞也編竹籠魚者  
也

**罾**魚网也从网曾聲

作勝切

注曰師古曰罾形如仰繳蓋四維而舉之○箋曰  
小顏說見漢書陳勝傳注然殊不明晰罾為方制  
以曲竹交四角而中繫長繩沈於水以取魚古今  
制雖有不同要不外是乃以為形如仰繳蓋而舉  
之可乎

**罔**捕魚竹网从网非聲

聲字從

**秦以罪為臯字**

徂賄切

注曰竹字蓋衍聲字舊缺今補文字音義云始皇



以皐字似皇乃改爲罪按經典多出秦後故皆作  
罪○箋曰戴氏侗曰罪木网罟之類因以爲罪戾  
之罪謂離於刑法也灝按戴說是也大雅召旻云  
天降罪罟與天之降罔同意罪罟與皐辜其義相  
因故無皐無辜與罪罟皆連言之

**罔**魚网也从网罔聲罔籀文銳

繫傳無下四  
字居例切

注曰廣雅罔罔也

**罟**魚罟也从网瓜聲詩曰施罟濊濊

古胡切

注曰衛風碩人曰施罟濊濊釋器毛傳皆曰罟魚

罟

**罔**网也从网古聲

公戶切

注曰小雅小明傳曰罟罔也不言魚罔者易曰作結繩而爲罔罟以田以漁是罔罟皆非專施於漁也

**罟**曲梁寡婦之筍魚所罾也从罔罾亦聲

力九切

**罾**罾或从婁春秋國語曰溝罾罾

注曰釋器曰婁婦之筍謂之罾小雅魚麗荅華傳合之曰罾曲梁也寡婦之筍也許說本之句部曰筍曲竹捕魚也蓋曲梁別於凡梁寡婦之筍別於凡筍若魯語曰古者大寒降土蟄發水虞於是平講罾罾取名魚則非止曲梁寡婦之筍矣溝字誤古本蓋作葍葍猶交加也○箋曰爾雅郭注曰毛

詩傳曰雷曲梁也謂以薄爲魚笱灝按嫠婦疑雷薄之轉聲

**𩺰** 𩺰麗 逗 小魚𩺰也 原奪小字 从网主聲 之庚切

**𩺰** 𩺰麗也 从网鹿聲 盧谷切

注曰魯語曰鳥獸成水蟲孕水虞於是禁罝𩺰麗設罝鄂以實廟庖畜功用也韋曰罝當作𩺰𩺰麗小網也按麗古音獨

**𩺰** 積柴水中以聚魚也 从网林聲 所今切

注曰毛詩潛有多魚韓詩潛作涔釋器曰糝謂之涔毛傳曰潛糝也爾雅毛傳糝本从米舍人李巡皆云以米投水中養魚曰涔从米是也自小爾雅

改米爲木云槽𣎵也積柴水中而魚舍焉郭景純  
因之云今之作𣎵者聚積柴木於水魚得寒入其  
裏藏隱因以薄圍捕取之𣎵非古字至若𣎵字雖  
見淮南鴻烈然與𣎵皆俗字也詩爾雅音義皆云  
字林作𣎵不云出說文疑或取字林羈入許書古  
本當無此篆舊皆山沁反○箋曰𣎵从米誤小爾  
雅改爲𣎵是也積柴水中卽𣎵之字義說文淮南  
足以互證舍人李巡似望文爲說近儒因小爾雅  
出孔叢子僞書故一切棄之段氏至因此而疑說  
文讀書之不可先有成見如此陸氏音義往往舍  
說文而引字林段氏固已知之而於此乃偏信之

何無定見邪

**𦉰**釣也从网民聲

武巾切

注曰召南曰其釣維何維絲伊縉毛傳縉綸也糸部曰縉釣魚繫也此當云𦉰所以釣也縉𦉰古今字吳都賦注曰𦉰麋網廣韵曰𦉰𦉰網則又古今義殊按釋器𦉰𦉰謂之𦉰本或作𦉰張載七命布飛𦉰張脩𦉰則𦉰與𦉰非一字也○箋曰縉者釣絲其別體不當从网𦉰當作𦉰𦉰於義為優

**羅**以絲罟鳥也从网从維古者𦉰氏初作羅

魯何切

注曰釋器鳥罟謂之羅从网从維會意或作羅俗異用𦉰氏初作羅蓋出世本作篇

𦉳捕鳥覆車也从网𦉳聲陟劣切𦉳或从車

注曰釋器曰𦉳謂之罍罍覆也覆謂之罍罍覆車

也郭云今之翻車也有兩轆中施罍以捕鳥

𦉳覆也从网童聲尺容切

注曰王風傳同

𦉳覆車也从网包聲詩曰雉離于𦉳縛牟切𦉳或

从孚

注曰王風雉離于罍傳曰罍覆車也

𦉳捕鳥网也从网𦉳聲於位切

注曰王制注罍小網也

𦉳兔罍也从网𦉳聲臣鉉等曰隸書作罍縛牟切

注曰郭璞注子虛賦曰罟罟也

罟

罟也从网互聲

胡誤切

注曰廣韻曰兔網

罟

兔网也从网且聲

子邪切

罟罟或从糸罟籀文

从盧

注曰周南肅肅兔罟釋器毛傳皆曰兔罟也

罟

罟中网也从网舞聲

文甫切

注曰中字廣或曰當作戶罟网如招魂之網戶王

逸曰網戶綺紋縷也此似网非真网故次於此

罟

部署有所网罟从网者聲

常恕切

注曰部署猶處分疑本作罟署後改部署也項羽

本紀曰梁部署吳中豪傑爲校尉候司馬魯語孟  
文子曰夫位政之建也署位之表也署所以朝夕  
虔君命也官署字起於此网屬猶糸屬也

**𦉰**

遣有臯也从网能言有賢能而入网卽貫遣之卽

原作而貫  
今從繫傳

周禮曰議能之辟

薄蟹切

注曰引申之爲止也休也周禮有罷民鄭曰民不  
愍作勞有似於罷齊語有罷士罷女韋曰罷病也  
無作曰病按罷民罷士謂偷惰之人罷之音亦讀  
如疲而與疲義殊少儀師役曰罷鄭曰罷之言疲  
勞也凡曰之言者皆轉其義之詞周禮大司寇職  
文○箋曰凡傳注曰之言者正合其義非轉其義



也段說乖謬罷卽叛之假借耳能情者不操作因之爲休止之義而去官亦謂之罷也惟从网能未詳許意入网猶犯罪也有賢能而犯罪則貲其罪而罷遣之故引用周禮八議之法然取義迂回恐非造字之指也

𦉰敕也从网直

陟吏切

注曰置之本義爲貲遣轉之爲建立與廢對文古借爲植字如考工記置而搖之卽植而搖之論語植其杖卽置其杖也○箋曰置之本義蓋謂羅絡而布置之故其字从网置與廢皆兼反正二義建置謂之置亦謂之廢棄置謂之廢亦謂之置祭義

曰夫孝置之而塞乎天地此建置之義也周語曰  
是以小怨置大德也此棄置之義也左氏文二年  
傳廢六關家語作置六關此謂建爲廢也周禮大  
宰廢以馭其罪此謂棄爲廢也

**罾**覆也从网音聲

烏感切

箋曰此謂凡有所覆蓋故从网非眞网也

**罾**罾也从网从言网罾人

力智切

**罾**罾也从网馬聲

莫駕切

箋曰戴氏侗曰罾者以言罪人也从罪省會意罾

者罪之諧聲也

**罾**馬絡頭也从网从馬

句馬

**罾**馬絆也

居宜切

**罾**罾

或从革

隸作

注曰既絆其足又网其頭也引申之爲羈旅俗作羈。箋曰繫絆之義从馬而口其足隸不便於書而變爲帶羈則省而爲馬也蓋既絡其頭亦不必更口其足矣

文三十四 重十二

𦉰魚網也从网或聲

于通切

箋曰𦉰風九戩之魚𦉰𦉰毛傳九戩戩謂小魚之網也𦉰𦉰大魚也爾雅曰𦉰𦉰謂之九戩九戩魚网也此篆許偶遺之

𦉰𦉰𦉰𦉰也从网思聲

息茲切

鉗曰鄭注考工記云城隅謂角浮思也又注明堂位云屏謂之樹今浮思也知古通作思

**關心憂也从网未詳古多通用**離呂支切

鉗曰北齊朱岱林墓誌羅此荼毒知羅即羅之別體古通作離方言羅謂之離漢碑有懼

文三 新附

**𠂔**覆也从口上下覆之凡𠂔之屬皆从𠂔讀若𠂔  
切

注曰下字𠂔口者自上而下也U者自下而上也故曰上覆之覆者𠂔也从一者天也○箋曰段氏信口說之於義無當此字絕不見於經典依許訓

則爲覆物之形蓋口象覆巾復有物以加於其上  
迫如士喪禮所云兩幕用疏布久之鄭注謂以蓋  
塞兩口之類旣巾幕之又以蓋塞之也俗謂物從  
上按下曰而蓋古語

𠂔反覆也

繁傳無反字

从而乏聲

方勇切

注曰武帝紀泛駕之馬師古曰泛覆也音方勇反  
字本作𠂔後通用耳按廣韵正作𠂔駕之馬食貨  
志大命將泛玉篇正作大命將𠂔○箋曰𠂔古音  
蓋讀若泛故二字古通方勇切乃聲之轉亦如風  
之今音轉入東韵也

覆𠂔也一曰蓋也从而復聲

敕救切此篆原本在後今從繁傳移前

注曰覆反也覆𠬪反三字雙聲覆與復義相通復  
卽往來也。箋曰爾雅釋言曰還復反也復與覆  
反與返古字皆通還復者往來之義亦卽反覆之  
義也又爲覆蓋之偁玉篇云孚六切反覆又敷救  
切蓋也

**𠬪**實也考事而竿邀遮其辭得實曰𠬪从𠬪聲  
下  
**𠬪**𠬪或从雨

注曰蔡邕注典引曰有骨曰𠬪周禮曰其植物宜  
𠬪物謂桃李之屬小雅齊𠬪維旅蜀都賦作楠假  
借字今本作核傳譌也周禮經作𠬪注作核蓋漢  
人已用核爲𠬪矣考事者定於一是必使其上下

四方之辭皆不得逞而後得其實此所謂咨於故  
實也所謂實事求是也覈从兩亦而意○箋曰段  
以彥覈果覈爲本義非也其說考事似以今人考  
證之學當之亦非其義又謂覈从兩亦而意皆支  
離無當今按考事謂考問訟獄也繫傳曰實謂考  
之使實也而者反覆之也竿迫也邀者要其情也  
遮者止其詭遁所以得實覈也古通作核漢書刑  
法志曰其審核之頗注核究其實也今公牘常用  
此字蓋相承久矣又假借爲果核字曲禮曰賜果  
於君前其有核者懷其核大雅賓之初筵肴核維  
旅是也說文無核字蓋偶遺之覈从兩者俗書譌

體蓋治霸作霸而互誤耳

## 文四重一

巾佩巾也从巾象系也凡巾之屬皆从巾

居銀切

注曰佩巾禮之紛帨也以巾拭物曰巾如以帨拭手曰帨周禮巾車之官鄭注巾猶衣也然吳都賦吳王乃巾玉輅陶淵明文曰或巾柴車皆謂拂拭用之不同鄭說也。箋曰巾以覆物周禮冪人掌其巾冪是也亦用拭物內則左佩紛帨是也因繫於帶謂之佩巾从巾象巾象系佩由冪義引申之則凡覆蓋包裹皆謂之巾故頭巾謂之幅巾衣車謂之巾車書帙謂之巾箱左思賦吳王乃巾玉



輅江淹雜體詩日暮巾柴車皆謂覆蓋曰巾亦如  
以巾拭物曰巾以帨拭手曰帨引申之義不同而  
其例同也段以巾玉輅巾柴車為拂拭用之非是

𦘒

楚謂大巾曰𦘒从巾分聲

撫文切

注曰方言大巾謂之𦘒內則左佩紛帨釋文紛或

作帨

帥

佩巾也从巾目聲

原奪聲字依繫傳補所律切

帨帥或从兌

原本下有又音稅三字今從繫傳刪

注曰此二篆今人久不知為一字矣召南毛傳帨

佩巾也禮經多言帨手注帨拭也刀部刷下云禮

有刷巾即左傳藻率鞞鞞之率率與帥古多通用

後世分析悅訓巾帥訓率導訓將帥而帥之本義廢矣率導將帥字許書作連作術而不作帥與率○箋曰段說是也然連術是後增之字古多假帥率爲之耳

𦘒

段改篆作𦘒

禮巾也

从巾

从執

繁傳作執聲韓芮切

注曰篆體二徐皆作𦘒大徐曰从執小徐曰執聲皆誤今正𦘒不見經典恐亦悅之或體然廣雅已兼載悅𦘒矣○箋曰今二徐諸本篆體皆从執不知段所據何本廣雅亦作𦘒鈕氏樹玉曰篇韵竝从執又廣韵與𦘒驚同音則執聲不誤

𦘒

一幅巾也

从巾

从聲

讀若撥

北未切

注曰幅布帛廣也一幅巾者巾廣二尺二寸其長  
當亦同也此與鄭注周禮帔舞義絕殊蓋許君周  
禮作袞舞與鄭司農說同見羽部○箋曰段以帔  
訓幅巾遂以古布帛之度爲之廣長未知其審帔  
疑載之異文周禮舞師樂師假爲袞舞字

物枕巾也从巾刃聲

而振切

注曰蓋加枕以藉首爲易汚也今俗所謂枕頭衣  
亦作輶

殷不覆衣大巾从巾般聲或以爲首簪

繫傳作簪  
博官切

注曰首簪亦聞當依李善思元賦注作首飾○箋  
曰繫傳曰簪囊也

帑巾帑也从巾如聲一曰幣巾

女余切

注曰方言幪巾也大巾謂之帑嵩嶽之南陳穎之  
閒謂之帑巾亦謂之幪一曰幣巾幣當爲敝如衣  
部袞爲敝衣系部袞爲敝絮虞翻注易曰袞敗衣  
也盧氏曰袞者殘幣帛可拂拭器物也音義皆略  
同弓人厚其袞注謂弓中裨也內景黃庭經曰人  
閒紛紛臭帑如

敝巾帑也从巾敝聲

敝祭切

注曰帛者緇也聘禮注云幣人所造成以自覆蔽  
謂束帛也○箋曰幣本緇帛之名因車馬玉帛同  
爲聘享之禮故渾言之皆稱幣引申之貨泉亦曰

幣史記吳王濞傳亂天下幣如注幣錢也幣聘之所餘曰幣餘周禮大府幣餘之賦以待賜予鄭司農云幣餘使者有餘來還也太宰幣餘之賦司農云幣餘百工之餘是也爾古幣字說詳爾部

幅布帛廣也从巾畐聲

方六切

注曰凡布帛廣二尺二寸其邊曰幅左傳曰夫富如布帛之有幅焉爲之制度使無遷也引申爲邪幅小雅邪幅在下傳曰幅偏也所以自偏束也○箋曰古布帛之廣有定制故曰如布帛之有幅幅非邊之謂也邪裁者卽謂之邪幅亦非引申

慌設色之工治絲練者从巾𡗗聲一曰𡗗逗隔也讀

若焚呼光切

注曰考工記設色之工帙氏掌涑絲涑帛此云治絲謂涑絲云治練謂涑帛也糸部練涑緇也此謂帛為練者渾言之詩曰葛藟荒之傳曰荒掩也隔之義謂網其上而蓋之即詩所謂荒之也玉篇曰帙帙也

帶紳也男子鞶帶婦人帶絲帶繫傳象繫佩之形佩

必有巾佩繫傳从重巾重字依繫傳補當蓋切

注曰內則曰男鞶革女鞶絲革部云鞶大帶也古有大帶有革帶革帶統於大帶故許於紳於鞶皆曰大帶實則內則之鞶專謂革帶也象繫佩謂冊

也

幘髮有巾曰幘从巾責聲

側革切

注曰方言曰覆髻謂之幘巾或謂之承露或謂之覆髮獨斷曰幘古者卑賤執事不冠者之所服也漢以後服之其制日詳詳見司馬氏輿服志

幘領端也从巾旬聲

相倫切

注曰篇韻皆無此字

幘宏農謂帛幘也从巾皮聲

披義切

注曰宏農謂帛曰幘也方言曰帛陳魏之間曰幘

幘自關而東謂之襪

裳下裙也从巾尙聲

市羊切

裳常或从衣

注曰釋名云上曰衣下曰裳裳障也以自障蔽也  
士冠禮爵弁服纁裳皮弁服素積元端元裳黃裳  
雜裳可也○箋曰常之引申爲旗常戴氏侗曰謂  
其屬幅如常也灝按八尺曰尋倍尋曰常常丈有  
六尺蓋卽太常之旗制而用爲度數之名古者有  
功銘諸太常因之有典常之義而五常之名生焉  
五行五倫皆曰五常言其爲常行之道也又因常  
行而謂習見之事曰尋常常行則久故又爲常久  
也正義爲借義所奪又別作裳

君下裳也

段改作

从巾君聲

渠云切

君六帶或从衣

注曰各本作下裳無義今正方言繞衿謂之帶廣



雅本之曰繞領名帔也帔也衿領古今字繞領者  
圍繞於領今男子婦人披肩其遺意劉熙曰帔披  
也披之肩背不及下也蓋古名帔宏農方言曰帔  
若常則帔之在下者如李善引梁典任昉諸子冬  
月著葛巾帔練帔自是上下三物也○箋曰方言  
云袒飾謂之直衿郭注婦人初嫁所著上衣直衿  
也又繞衿謂之帔郭云俗人呼接下江東通言下  
裳廣雅云袒飾長襦也釋名云直領邪直而交下  
亦如丈夫服袍方也合而觀之其制甚明蓋長襦  
爲直領自項後曲領向前相竝直下故曰直衿若  
帔則自是下裳謂之繞衿者言其圍繞直衿也段

改殊誤至陳魏之間謂帟爲帔乃方俗語言之異耳

帔帟也一曰帔也一曰婦人脅衣繫傳作帟从巾菱聲

讀若末殺之殺繫傳作椒殺之殺所八切

注曰衣部褶下曰帔也帔一幅巾也脅衣釋名所謂心衣末殺見漢書谷永傳服注左傳作末繫卽水部之濺拭滅兒也今京師有此語○箋曰曹者羣眾之義故禮訓爲帔而帔爲帟帟者集眾幅而爲之者也故一幅巾謂之帔亦謂之帔而又爲婦人脅衣之名帔从菱聲與殘同意而讀與綻同故聲轉爲殺考工記鮑人之事以博爲帔言其斥

裂也說見通介堂經說

𦘒也从巾軍聲古渾切𦘒或从衣

注曰方言禪陳楚江淮之間謂之𦘒𦘒名𦘒貫也貫兩腳上繫腰中也按今之套褲古之袴也今之滿褶褲古之𦘒也自其渾合近身言曰𦘒自其兩襠孔穴言曰𦘒方言無裯之袴謂之𦘒郭云即犢鼻𦘒

𦘒也从巾𦘒聲一曰𦘒𦘒音切𦘒或从松

注曰𦘒方言作𦘒帙書衣也

𦘒楚謂無緣衣也从巾監聲魯甘切

注曰方言𦘒謂之𦘒又云楚謂無緣之衣曰𦘒𦘒

衣謂之褕又曰褕褕以布而無緣敝而紕之謂之

褕褕

幬幬也从巾冥聲周禮有幬人

莫狄切

注曰周禮注以巾覆物曰幬禮經鼎有鬯尊彝有幬其字亦作冪俗作冪篆家幬積是此字幬人天官所屬掌其巾幬今周禮作冪○箋曰幬之引申爲凡有所覆之稱淮南原道訓舒之幬於六合高

注幬覆也今字皆作冪

幬幕也

幕段訖作幬

从巾曼聲

莫半切

注曰幬各本作幕由作冪而誤耳今正凡以物冢其上曰幬與幬雙聲而互訓釋名玉篇廣韵以幬

幔釋之今義非古義也○箋曰廣雅幙幔覆也幙與覆鼎之𠩺覆軾之幙帷上之幕義略同幙幔𠩺幙幕皆一聲之轉

𦘒

禪帳也从巾𦘒聲

直由切

注曰禪不重也古樂府紅羅複斗帳則帳多複者召南抱衾與裯傳單被也鄭箋裯牀帳也按鄭謂裯爲幙之假借不言禪者統辭也釋訓曰幙謂之帳引申爲覆幙見左傳及中庸

幬

帷也从巾兼聲

力鹽切

注曰釋名曰幬廉也自障蔽爲廉恥也戶幬施之於戶外也按與竹部簾異物幬以布爲之簾以竹

爲之

帷在旁曰帷从巾佳聲

消悲切

𦉰古文帷

注曰釋名曰帷圍也所以白障圍也錯曰匱从匚

象周市

帳張也从巾長聲

知諒切

注曰釋名曰帳張也張施於牀上也小帳曰斗帳

形如覆斗也古亦借張字爲之

幕帷在上曰幕覆食案亦曰幕

繫傳無覆食案六字

从巾莫聲

幕各切

注曰周禮鄭注在上曰幕幕或在地展陳於上疏

云聘禮布幕官陳幣史展幣皆於幕下又賓入境

至館皆展幕是幕在地展陳於上也大徐本有覆  
食案亦曰幕六字蓋淺人所增

帊 帊裂也从巾匕聲

卑履切

注曰謂殘帛裂也急就篇曰帊敝囊橐不直錢方  
言器破而未離南楚之間謂之敗聲同義近亦作  
帊

幪 殘帛也从巾祭聲

先剗切又所例切

注曰廣韻曰幪縷桃花類篇曰今時剪繒爲華者  
按與碎音義略相近

愉 正褊裂也

褊原本作箭今從段正

从巾俞聲

山桓切

注曰衣部曰褊衣正幅也此謂帛之正褊以別於

上文帖謂殘帛之裂

帖帛書署也从巾占聲

他叶切

注曰木部曰檢書署也木爲之謂之檢帛爲之則謂之帖皆謂標題今人所謂籤也帛署必黏黏引申爲帖服爲帖妥俗製貼字爲相附之義製帖字爲安服之義

帙書衣也从巾失聲

直質切

帙帙或从衣

注曰書衣謂用裘書者亦謂之帙陸德明撰經典釋文三十卷合爲三帙今人曰函

帟幡幟也从巾前聲

則前切

注曰古有旛無幡有識無幟許書本作旛識淺人



以俗字易之旛識者旗有幅可爲表識翦之言箋也箋謂表識○箋曰翦爲旛識微爲微識幟爲幟識同類異名

微

幟也

段訂作微識也

以絳微帛箸於背

段刪微字

从巾微省聲

春秋傳曰揚微者公徒

此下段據繫傳增若今救火衣然也七字許歸切

注曰六月詩識文鳥章鄭箋識微識也將帥以下衣皆箸焉周禮司常掌九旗之物名各有屬以待國事鄭注屬謂微識也大傳謂之微號今城門僕射所被及亭長箸絳衣皆其舊象按古朝覲軍禮皆有微識而微各書作微容是假借識各書作幟則是俗字若毛詩作幟亦假借也箸於背者專謂

軍禮衣部卒下曰衣有題識者卽鄭所云亭長箸絳衣也春秋傳昭公二十一年文曰揚則旌旗而非箸背者○箋曰繫傳本下有若今救火衣然也七字疑是楚金語段氏增入許書似未審也

**幟**

段訂作幟識也

**从巾與聲**

方招切

注曰通俗文曰微號曰幟私記曰幟周禮肆師表盞盛告絜鄭注故書表爲剽剽表皆謂微識也按剽表皆假借字凡物之幟識亦曰微識今字多作標廟標行而幟廢矣

**帟**

**帟也从巾死聲**

於哀切

注曰帟者書兒拭服布也與上文帟下云幟幟迴

別俗書從便旗旛字皆作幡而此部留之幡識鮮知其當作旛矣

幡書兒拭觚布也从巾番聲

甫煩切

注曰拭本作飾淺人所改許書有飾無拭顏師古注急就篇曰觚者學書之牘或以紀事削木爲之蓋簡屬也其形或六面或八面皆可書觚者棱也以有棱角故謂之觚今俗猶呼小兒學書簡爲木觚章卽孔子所歎也按觚以學書或記事若今書童及貿易人所用粉版旣書可拭去再書揚雄齊油素四尺亦謂素之可拭者也○箋曰拭觚布謂之幡拭而再書有更改之意故幡之引申爲改孟

子曰既而幡然改是也小雅荅伯捷捷幡幡毛傳

幡幡猶翩翩也蓋幡翻古字通故幡訓為翩

𦏧 刺也从巾刺聲盧達切

注曰刺當作拂字之誤也刀部曰刺擊也手部曰

拂過擊也過擊者所過而擊箸與拭之義近上下

文皆言拭可證必當作拂矣玉篇注作拂也廣韻

注作拂箸

𦏧 拭也从巾𦏧聲精廉切

注曰其義少見字林𦏧𦏧記則音義同𦏧

𦏧 車𦏧兒段訂从巾單聲詩曰檀車𦏧𦏧呂善切

注曰小雅杜曰檀車𦏧𦏧傳曰檀車役車也𦏧

幘敝貌釋文曰幘幘詩作縶糸部縶偏緩也按古  
本當是巾敝兒故从巾詩以爲車敝字則其引申  
之義也

幘

蓋衣也从巾冡聲

莫紅切

注曰覆蓋物之衣也法言震風凌雨然後知夏屋  
之爲幘幘也幘卽幘之俗尚書大傳下刑墨幘方  
言幘巾也與許義稍異大雅麻墨幘幘傳曰幘幘  
然茂盛也此引申之義謂徧覆於地也○箋曰方  
言幘巾也卽巾車之巾謂覆蓋之尚書大傳下刑  
墨幘亦謂以墨蓋之耳非異義也荀子正論篇墨  
黥楊倞注曰世俗以爲古之重罪以墨涅其面或

曰墨黥當爲墨幪但以墨巾幪其頭而已

幪蓋幪也从巾蔑聲一曰禪被

莫結切

注曰幪之言幪也大雅淺幪傳曰淺虎皮淺毛也  
幪覆式也按幪之本義不專爲覆軾而覆軾其一  
端也司馬彪徐廣曰乘輿車文虎伏軾龍首衡軛  
文虎伏軾卽經之淺幪龍首衡軛卽經之金厄也  
說詳詩經小學曲禮素箴注箴覆笮也釋文箴本  
又作幪幪者正字箴者假借字也篇韵皆以杷幪  
釋幪今義也禪被別一義被寢衣也

幪覆也从巾無聲

荒烏切

注曰喪大記幪用斂衾釋詁幪大也幪有也皆覆

義之引申也投壺曰無懽無敖鄭注懽敖皆慢也  
又其引申也斯干以芋爲懽○箋曰爾雅釋言敖  
懽傲也懽乃懽之假借小雅巧言篇亂如此懽毛  
傳懽大也鄭箋懽敖也釋詁訓大者疑亦懽之假  
借訓有者則懽之引申也

飾

也从巾从人食聲讀若式一曰襍飾

實隻切

注曰飾拭古今字周禮司尊彝鄭注況酌者提飾  
勺而酌也釋文作飾今本作拭實無二義凡物去  
其塵垢卽所以增其光采故服者飾之本義而凡  
踵事增華皆謂之飾則其引申之義也若席下云  
純飾璫下云弁飾紵下云絲采飾是也襍飾別一

義衣部襍飾也急就篇襍飾刻畫無等雙漢平帝  
后傳曰令孫建世子襍飾將賢往問疾顏注襍飾  
盛飾也一曰首飾在兩耳後刻鏤而爲之廣韵曰  
襍未笄冠者之首飾也玉篇曰首飾也

幃囊也从巾聿聲

許歸切

注曰離騷蘇糞壤以充幃王逸曰幃謂之茀茀香  
囊也或曰爾雅婦人之幃亦作幃是許所云幃也  
今按此與爾雅之幃無涉釋器曰婦人之幃謂之  
縞縞綌也孫炎云幃帨巾也詩親結其縞毛云縞  
婦人之幃也士冠禮鄭注婦人十五許嫁笄而禮  
之因著纓明有繫也蓋以五采爲之禮之纓必以



采繩詩爾雅之禕縞乃幌巾其不相涉明矣○箋

曰段說是也然孫叔然釋禕縞屬幌巾似未當郭景

純云禕邪交絡帶繫於體得之辨見通介堂經說

禕囊也今鹽官三斛為一希从巾弄聲居倦切

注曰集韻曰囊有底曰希或借為綦字史記淳于

髡希韞鞬脰希韞謂以韞約袖糸部曰綦縷臂繩

也鹽官三斛為一希舉漢時語證之

帚箕也从又持巾埽口內古者少康初作箕帚秫酒

少康杜康也葵長垣支手切

注曰葵當作埽土部曰埽埽除也少儀曰汜埽曰

埽埽席前曰拊拊即埽之假借字口當作郊口字

音扁介也持巾者埽之事助於拂拭因巾可拭物  
乃用萑芳黍稷爲帚拂地矣合三字會意太平御  
覽云世本少康作箕帚作林酒許云杜康也者嫌  
少康卽夏少康故釋之文選注引王著與杜康絕  
交書曰康字仲甯或曰黃帝時宰人號酒泉太守  
此以文爲戲之言未可爲典要○箋曰戴氏侗曰  
帚象手持帚形其說似優

席籍也禮天子諸侯席有黼黻純飾从巾庶省聲

依繫傳補  
詳易切

𦰩古文席从石省

注曰禮謂周官經此約司几筵之文筵紛純次  
席黼純从巾者其方幅如巾也席古音在魚部故

从庶省聲古文下象形上从石省聲

𦃟囊也从巾朕聲

徒登切

注曰離騷蘇冀壤以充幃王注幃謂𦃟𦃟香囊也  
按凡囊皆曰𦃟王望文爲說耳玉篇曰兩頭有物  
謂之𦃟擔廣韵曰囊可帶者或借𦃟爲之

幃以囊盛穀大滿而裂也从巾奮聲

方吻切

注曰幃之言壘也壘者隙也玉篇曰又弓筋起

幃載米𪔐也从巾盾聲讀若易屯卦之屯

陟倫切

箋曰錢氏站曰此屯聚字今俗侑屯米家爲屯戶

𦃟蒲席𪔐也从巾及聲讀若蛤

古沓切

注曰𦃟部𦃟𦃟也揚雄以爲蒲器然則𦃟與𦃟一

物也

幘馬纏鑣扇汗也从巾賁聲詩曰朱幘鑣鑣符分切

注曰衛風碩人曰朱幘鑣鑣毛傳幘飾也人君以朱纏鑣扇汗且以爲飾鑣鑣盛兒金部鑣馬銜也以朱幘縷纏馬銜之上而垂之可以因風扇汗故謂之扇汗亦名排沫以其用幘故从巾

幘原本誤作幘今從段正墀地以巾擗之从巾慶聲本作要讀聲今正

若水溫鼎也一曰箸也乃昆切

注曰各本篆體皆誤今正土部墀涂地也漢書揚雄傳曰幘人亡則匠石輟斤而不敢妄斲服虔曰幘古之善塗墍者施廣領大袖以仰塗而領袖不

汚按服注不言涂地然仰涂如此其善則涂地更可知矣慢人卽莊子郢人今漢書字誤作獲莊子釋文作慢莫能是正攔蓋卽手部播字今之拔字涂地以巾按而摩之如今之擦漆故其字从巾屨古文婚字車部屨以爲聲亦讀若閔然則此爲屨聲而非屨聲明甚古溫彝之彝蓋讀乃昆切也一曰箸也直略反

**帑**  
**金幣所藏也从巾奴聲**  
乃都切

注曰帑之言囊也以幣帛所藏故从巾小雅常棣傳曰帑子也此假帑爲奴周禮曰其奴男子入於罪隸女子入於舂櫟本謂罪人之子孫爲奴引申

之則凡子孫皆可僂奴又假帑爲之鳥尾曰帑亦其意也今音帑藏他朗切以別於妻帑乃韻切○箋曰奴之聲轉爲拏故手部之拏衣部之袈皆乃加切又聲轉爲呶故口部之呶心部之懽皆女交切又聲轉爲囊故帑又他朗切也

𠂔

泉織也从巾父聲

博故切隸作布

注曰古者無今之木綿布但有麻布及葛布而已引申之凡散之曰布取義於可卷舒也外府注布泉也其藏曰泉其行曰布泉者今之錢也

𦘔

南郡蠻夷實布从巾家聲

古訝切

注曰貝部寶南蠻賦也文選魏都賦注引風俗通

曰縠瓠之後輸布一匹小口二丈是謂寶布廩君之巴氏出幪布八丈按幪亦寶也故統謂之寶布

𦃟

布出東萊从巾弦聲

胡田切

注曰漢地理志郡國志東萊郡皆有𦃟縣蓋以布得名也𦃟縣故城在今山東登州府黃縣南百二十里而魏地形志晉地理志皆作𦃟縣字从心今本郡國志亦从心未能是正

𦃟

髮布也一曰車衡上衣

原作上衡今從髮傳正

从巾秋聲讀

若頊

莫卜切

注曰髮布廣韵集韵作髮布衡上各本誤倒今依小徐及篇韵訂廣韵曰幣幪上絲○箋曰作髮巾

者是也。繫布蓋涉下幣篆而誤。荀子曰：古之王者有務而拘領者矣。務，卽幣之假借，謂以巾覆髮也。一曰：車衡上衣卽五檠梁輶之檠，故廣韻曰：輶上絲也。

𦘒𦘒繫布也。从巾辟聲。周禮曰：駢車犬𦘒。莫狄切

注曰：旣夕禮玉藻少儀鄭注公羊傳昭二十五年何注皆曰：幣覆笭也。按車覆笭與車笭是二事。車笭者周禮之蔽毛，詩爾雅之第，說文之篚，鄭曰：車旁禦風塵者也。覆笭者禮經周禮禮記公羊傳之幣，大雅曲禮之幘，今周禮之幘蓋乎軾上者也。以禦旁之名名之也。車笭多以竹，故字从竹。覆笭不



用竹用皮巾車曰王喪之車犬禭鹿淺禭然禭豕  
禭各用其皮也大雅之淺幘虎皮也與玉藻之羔  
臂鹿臂皆諸侯大夫士之吉禮也曲禮之素幘卽  
士喪禮之白狗臂大夫士之凶禮也然則車覆笭  
古無用柰布者許以繫布釋臂臂之本義也經典  
用爲車覆笭之字也周禮巾車職文按巾車云木  
車犬禭駢車然禭蓋許一時筆誤如或箴或旨之  
比禭臂不同蓋故書今書之異車覆笭當是幘爲  
正字臂爲假借字士喪禮記曰古文臂爲箬○箋  
曰車覆笭古以繫布爲之許君當有所受故以此  
爲正義而獸皮之臂爲別義臂幘幘箬皆一聲相

轉繫布之制後世油壁車卽其遺法獸皮亦或有  
系之者如然幙髮飾是也

幙

領端也从巾取聲

陟葉切

注曰此與幙篆同義篇韵皆有幙無幙集韵乃兼  
有之當刪幙而存幙於幙處○箋曰鈕曰此蓋本  
余說余本玉篇也

文六十二 重八

幙 旌旗之屬从巾童聲

宅江切

鈕曰周禮鄉師注鄭司農云翺羽葆幢也葉鈔釋  
文幢作幢玉篇幢引說文帳極也○箋曰巾部肯  
幙帳之象从巾出其飾也苦江切是肯卽幙字

幟旌旗之屬从巾戠聲

昌志切

鈕曰周禮司常掌九旗之名各有屬鄭注屬謂徽識也漢高祖紀旗幟皆赤師古曰幟幟也史家字或作識或作志

𦘒在上曰帟从巾亦聲

羊益切

鈕曰逸周書王會解墀上張赤奔陰羽孔晁云奔帳也是古通作奔顧千里云廣雅釋器亦作奔帳

幘婦人首飾从巾國聲

古對切

鈕曰釋名國幘也幘覆髮上也廣雅國謂之幘按玉篇廣韻竝云國亦作幘說文無國知幘卽國而俗又作幘也

幪斂髮也从巾采聲

七搖切

鈕曰後漢書周黨傳穀皮綢頭章懷注此字嘗作幪引古詩少年見羅敷脫巾著幪頭據此知古通作綢釋名綢頭綢鈔也鈔髮使上從也或曰陌頭言其從後橫陌而前也

𦘒𦘒囊也从巾代聲或从衣

徒耐切

鈕曰玉篇袋徒戴切囊屬亦作𦘒按說文勝訓囊玉篇黛爲勝之重文知𦘒卽勝之俗字○箋曰勝讀如勝與𦘒異音玉篇勝徒戴切畫眉黑也淡青也又作黛與𦘒異義亦不得謂𦘒通作黛此後起之義於古無所當也

帊帛三幅曰帊从巾巴聲

音駕切

幘也从巾業聲

房玉切

鈕曰玉篇幘巾幘也帊幘帊也廣韵引通俗文曰帛三幅曰帊帊衣幘也又曰幘帊也又幘頭周武帝所制裁幅巾出四腳以幘頭乃名焉亦曰頭巾重文作幘按帊字亦見後漢書王粲傳魏志同未詳其由來幘當是縵之俗體○箋曰戴氏侗曰今俗通用垂覆者爲帊包裹者爲幘灝按帊卽幘之聲轉耳

幘車幔也从巾憲聲

虛檻切

鈕曰玉篇幘車幘也廣韵引倉頡篇云帛張車上

爲幘按說文軒訓曲輶藩車據此知古通作軒或  
借作憲後人加巾旁○箋曰軒是車名幘爲帛張  
車上各爲一義載籍亦未見有通作憲者鈕說非

# 文九

新附

市輶也上古衣蔽前而已市以象之天子朱市諸侯

赤市大夫黼衡从巾象連帶之形凡市之屬皆从

市

分勿切

𡗗篆文市从聿从攴

注曰聿部輶載也鄭曰輶之言蔽也蔽之言亦蔽  
也祭服倂載元端服倂輶大夫下當有赤市二字  
奪文也○箋曰小雅采芑疏引乾鑿度鄭注古者  
田漁而食因衣其皮先知蔽前後知蔽後後王易

之以布帛而繼存其蔽前者重古道不忘本此市  
象蔽前之說也玉藻曰韞君朱大夫素士爵韞圖  
殺直韞又作韞古重聲音韞與韞同韞又作韞古  
與韞通玉藻曰一命緹韞幽衡再命赤韞幽衡  
三命赤韞蔥衡曹風侯人云三百赤韞毛傳大夫  
以上赤韞與玉藻義同段云大夫下奪赤韞二字  
是也小雅車攻云赤韞金馬會同有釋是諸侯亦  
服之蓋上得兼下也凡韞必象袞色天子諸侯元  
端朱裳與韞同色則韞亦當同所謂韞君朱者兼  
天子諸侯而言也采芑云服其命服朱韞斯皇則  
周卿士亦服朱韞毛公疑其上僭故傳訓朱爲黃

朱鄭箋又以金鳥爲黃朱然黃朱之色不見於經  
蓋方叔以天子之卿士奉命督師出封加等故其  
服視諸侯也乾鑿度曰朱第者天子賜大夫之服  
是也市上象帶下象韋皮之形書皋陶謨傳曰黻  
爲兩己相背蓋兩己字作𠂔與市形略同也字又  
作紱胡氏培翬曰魏晉以後用絳紗爲黻故改从  
糸錢氏坵曰秦方士徐福一作徐市卽此字

𡗗士無市有𡗗制如楹缺四角爵弁服其色黻賤不

得與裳同司農曰裳纁色

繫傳注本無司農曰六字

从市合聲

古洽切

𡗗或从韋

注曰鄭注玉藻曰韠天子直四角直無圓殺也公



侯前後方殺四角使之方變於天子也所殺者去  
上下各五寸大夫前方後挫角圓其上角變於君  
也韞以下爲前以上爲後士前後正士賤與君同  
不嫌也正直方之閒語也天子之士則直詒侯之  
士則方按許云韞缺四角者正謂如公侯殺四角  
使之方也所謂殺四角使之方者合上下成八角  
之形正義云旣殺而補之使方非是云如榼者古  
榼之制蓋八角故木部云棹圓榼也士冠禮曰爵  
弁服纁裳純衣緇帶韎韐纁淺絳也三入爲纁韎  
則茅蒐一入而已不與裳同色也鉉本有司農曰  
裳纁色六字恐是淺人增注司農不詳何人許自

賈侍中而外無舉官者○箋曰段謂殺四角使之  
方者合上下成八角之形是也以爲如公侯之殺  
四角則非也韞之制天子直爲長方公侯方爲正  
方大夫前方後挫角上兩角挫也士前後正則上  
下竝挫爲八角形也各邊皆等故謂之正承上文  
前方後挫角而言耳康成唯說士韞未知其制得  
許說而始明矣韞韞古同聲韞亦同物故从市渾  
言之皆謂之韞亦謂之韞析言則士偁韞而無韞  
蓋冕服謂之韞士爵弁故異其名也韞必象裳色  
今韞韞纁裳故曰不與裳同然淺絳與茅蒐染韞  
色亦相近士皮弁服素韞與裳同色未嘗以位卑

而別異之也

文二 重二

帛繒也从巾白聲凡帛之屬皆从帛

旁陌切

注曰糸部繒帛也聘禮大宗伯注皆云帛今之璧色繒也○箋曰帛者縑素之通名璧色白色也故从白引申爲雜色繒之稱

錦襄色織文

色原本作邑今從繫傳

从帛金聲

居飲切

注曰漢地理志郡國志陳畱郡屬縣有襄邑今河南歸德府睢州卽故縣地李善引陳畱記曰襄邑渙水出其南睢水經其北傳云睢渙之間出文章故其黼黻絺繡日月華蟲以奉宗廟御服焉司馬

彪輿服志云襄邑歲獻織成虎文按許以漢法釋古謂若今之襄邑織文卽經典之錦文也○箋曰襄邑固善織錦而錦字非緣襄邑而造繫傳各本竝作襄色楚金云襄雜色也漢魏郡有縣能織錦綺因名襄邑是楚金所見本不誤襄色織文者以色絲爲織也襄卽古璫字俗又作鑲釋名曰錦金也作之用功重其價如金故其製字从帛與金也其說非是灝謂金有五色正合襄色之義故用爲聲耳

## 文二

○西方色也陰用事物色白从入合二二陰數凡白

之屬皆从白房陌切 白古文白

箋曰白从入二義不可通以古文證之則其非入二明矣古鐘鼎文多作白無从入二者自部曰自穀之馨香也象嘉穀在裹中之形匕所以扱之是良之上體白正象米粒即白字也白者西方之色故取象於穀之成熟矣

𠂔月之白也从白交聲詩曰月出皎兮古了切

注曰陳風月出皎兮毛傳皎月光也○箋曰玉篇曰皎亦皦也按皎之本義當泛言眾白之明不必專屬之月許因詩而言耳

曉日之白也从白堯聲呼鳥切

箋曰曉卽曉之異文

皙人色白也从白析聲

无擊切

注曰鄘風揚且之皙也毛傳皙白皙也今省作皙

皤老人白也从白番聲易曰黃如皤如皤

薄波切

皤皤

或从頁

注曰兩都賦辟雍詩皤皤國老易賁六四賁如皤

如引申爲凡白素之皤○箋曰漢書敘傳營平皤

皤顏注皤皤白髮貌也

睭鳥之白也从白隹聲

胡沃切

注曰景福殿賦睭睭白鳥李善曰睭與鷩音義同

○箋曰睭古通作鷩非同義也大雅靈臺篇白鳥

翯翯毛傳翯翯肥澤也

皤霜雪之白也从白盍聲

五來切

箋田廣雅皤皤也劉歆遂初賦漂積雪之皤皤兮  
古通作澄枚乘七發曰浩浩澄澄如素車白馬帷  
蓋之張

艸華之白也从白巴聲

皆巴切

注曰靈樞經曰紛紛肥肥終而復始紛紛肥肥  
言多也○箋曰肥葩古今字艸部曰葩華也繁傳  
云今謂艸華房為葩

皤玉石之白也从白

皤字了

注曰王風有如皤日毛傳皤白也此假皤為皤也

論語噉如也何曰言樂之音節分明也此引申之義○箋曰段謂詩假噉爲曉非也噉卽皎之異文釋文微本又作皎

𡵓際見之白也从白上下小見

起義切

注曰際者壁會也壁會者隙也見讀如現壁隙之光一綫而已故从二小○箋曰𡵓隙古今字際見之白孔隙漏光也明吳元滿六書總要曰从日上下指光芒之狀是也

𡵓顯也从三白讀若皎

鳥皎切

注曰倉頡篇晶明也按蜀都賦晶猶岷於萋艸晶岷猶人也江漢有晶人能化爲虎然則晶者謂顯



其形也李善云當爲拍誤○箋曰帛與皎音義同  
文選潘岳關中詩注引倉頡篇帛明也陶潛詩以  
還江陵夜行塗口詩注引說文通白曰帛

## 文十一 重二

𦑔敗衣也从巾象衣敗之形凡𦑔之屬皆从𦑔

注曰此敗衣正字自敝專行而𦑔廢矣○箋曰戴  
氏侗曰此字从巾𦑔象其文故黼黻皆从𦑔得  
爲敗衣敝壞之義灝按𦑔蓋卽古幣字从巾从𦑔  
𦑔古文別束帛分別之意非象其文也雜記下曰  
納幣一束束五兩鄭注十個爲束貴成數兩兩者  
合其卷今謂之匹易賁卦釋文引子夏傳五匹爲

束五匹猶五兩也左氏閔二年傳重錦三十兩杜  
注曰以二丈雙行故曰兩三十兩三十匹也周禮  
大宗伯疏束者十端每端丈八尺皆兩端合卷摠  
爲五匹是也公从重八兩兩相比公亦聲幣乃後  
造之字爾本从巾幣又加巾非法也又按爾又作  
敝从支者旣成帛而整理之或泝泝之皆支治義  
因支治而敝壞之義生焉爾與敝幣偏旁相承幣  
爲繒帛之通名則敝非敗壞之本義亦明矣

**敝帔也**一曰敗衣从支从爾爾亦聲

毗祭切

注曰帔者一幅巾也引申爲凡敗之偁○箋曰巾  
本完好無緣引申爲敗壞之義从支治之故有敗

意耳因其敗而支治之也竊謂術敝實一字

## 文二

𦵏 箴縷所紕衣从𦵏𦵏省象刺文也四字據繫傳補凡𦵏之

屬皆从𦵏陟几切

注曰箴當作鍼箴所以綴衣鍼所以縫也○箋曰

爾雅釋言𦵏紕也郭注今人呼縫紕衣爲𦵏衣部

補紕衣也𦵏補古今字段云箴當作鍼是也廣韻

正作鍼縷所紕楚金云业象刺文錢氏埭曰司服

注希或作𦵏是古希𦵏同字

𦵏 會五采鮮色會原本作合今從繫傳从𦵏盧聲詩曰衣袞𦵏

𦵏切

注曰曹風蜉蝣篇衣裳楚楚毛傳楚楚鮮明貌蓋

三家有作黼黻者

黼

白與黑相次文从耒甫聲

方渠切

黻

黑與青相次文从耒父聲

分勿切

箋曰考工記畫績之事青與赤謂之文赤與白謂之章白與黑謂之黼黑與青謂之黻五采備謂之繡皋陶謨疏引孫炎云黼文如斧形黻謂兩己相背按十二章之服某氏傳與鄭說異考工記以文章黼黻平列爲四事且但論其色則黼黻似不在十二章之內小雅采芣篇元袞及黼書顧命云麻冕黼裳皆以黼爲裳蓋黼之爲物織成白與黑相

閒之文孫叔然以爲如斧形亦言其似斧之白黑  
相兼耳一再傳述遂以爲直畫斧形矣蔽古文作  
市卽蔽前之鞞此以其刺繡而从耑也兩已相背  
蓋作凸形而刺繡於其閒市有朱赤之色則黑與  
青其圻鄂之緣歟西正象鞞形阮太傅謂鐘鼎文  
多作亞乃兩弓相背之形言兩已者譌也考六書  
故有亞字云今畫鞞者如此正與阮說合兩弓相  
背作亞其形亦略同也餘見後勸下

𦏧

會五采繒也

也本作色今從段正

从耑卒聲

原作絳省聲今從段正子對切

注曰也字各本作色今依廣韻訂大人賦絳雲蓋  
如注云蓋有五色也吳都賦孔雀絳羽以翺翺絳

者或辭字

粉

衣山龍華蟲粉畫粉也

繫傳蟲下有粉米也三字

從分聲

原作从粉省今從段正

衛宏說

方吻切

注曰皋陶謨日月星辰山龍華蟲作會宗彝藻火粉米黼黻絺繡鄭云畫者爲繪刺者爲繡繡與繪各有六衣用繪裳用繡許云繪會五采繡也藻作璪粉作粉米作絲○箋曰書傳曰日月星爲三辰華象艸華蟲雉也藻水艸有文者火爲火字粉若粟冰米若聚米黼若斧形黻爲兩己相背正義曰孔以華象艸華蟲雉也則合華蟲爲一周禮鄭注亦然則以日月星辰山龍華蟲畫於衣藻火粉米

黼黻六章繡於裳鄭意粉米爲一加宗彝謂虎雉也灝按傳以華象艸華爲一句蟲雉也爲一句似分華蟲爲二而疏誤合爲一又云粉若粟冰米若聚米則粉米亦爲二許用衛宏說粉爲畫黼又糸部曰紵繡文如聚米也正與書傳同蓋日月星辰與山龍華蟲七章繪於衣宗彝及藻火粉米五章繡於裳而黼黻不在十二章之內蓋黼爲裳而黻爲韠耳又黼旣从黹則非畫也畫字疑衍餘詳通介堂經說

## 文六

## 說文解字第七

下